



姑溪居士文集序



李公端叔以詞翰著名元祐間余始得其尺牘頗愛其言思  
清婉有晉宋人風味恨未覩他製也乾道丁亥假守當塗因  
訪古來文士居此邦而卓然有聲於世者惟李太白郭功父  
與端叔三人郡舊有太白功父集而端叔獨闕然求於其家  
而子孫徃々散落無復遺稿間得之邦人類而聚之命郡士  
戴翬訂正釐為五十卷鋟板於學昔二蘇於文章少許可尤  
稱重端叔殆與黃魯直晁無咎張文潛秦少游輩頡頏於時  
今觀其文信可知已或謂端叔晚節銳於進取有所附麗雖  
若可疑然范忠宣公遺卷極于鯁切詆斥不顧一時用事者  
欲寘忠宣之子於理端叔慨然自列謂實出其手既而公所

為忠宣行狀後出由是得罪南遷廢錮終身曾不少悔其勇  
於義若此詎可以微瑕掩之哉余因愛其文又表其行誼之  
可嘉者併以詔於後云端叔名之儀其先景城人既謫而南  
始居姑溪自號姑溪居士今以名其集天台吳芾序

姑溪居士文集目錄

第一卷

古賦

閒居賦

古詩

謁李太白祠

次韻君俞見寄

題渭亭

送儲子椿

和功甫遊采石

賞詠亭

梅花詩四首

題步雲亭

題山堂

贈報寧老

捉月亭

鑑然亭

第二卷

古詩

題逍遙閣

題王德循書院

丁德孺置酒

題孝嚴亭

次韻君俞見過

和遊一人泉

中隱菴

送芝老

胡伯鎮石菖蒲

贈劉九思

次韻處度二首

迎暉閣

秀遠堂

莊居十小詩

第三卷

古詩歌行附

楊子儀虎園

書長干僧房

和人感懷

甘露堂歌

雷塘行

送人

和人雪意

東坡雪浪石

琵琶歌

晚過五晉卿第

第四卷

律詩 七言

讀吳思道詩

次韻東坡

東坡沈香石

濟上閒居

東坡雪浪石

寄邵暘叔

送魯端伯

告別子通

和子椿竹二首

題蘭泉

題詈老小軒

送宣上人

題白紵山

再頌玉局

吉甫第雙檜

荅李去言

儲子椿作別

又次韻子椿

次韻子椿庄居

和子椿七夕

戲子微

齋僧值雪

遊白雲寺

寄丁希韓

次韻曹大川

題張湛然壁

懷珪元白

次韻子椿三首

遊雨花臺

第五卷

律詩七言

用聖竹韻

和子椿

和友人見寄三首

送人入館閣

金陵懷古二首

却郵叢臺

次韻君俞瑞香

堤上閑步二首

次韻君俞六首

和人見寄二首 澄虛堂

莊居寄友人

懷舊二首

解石故人二首

和人見寄

久雨次韻君俞

次韻君俞四首

韋深道寄傲軒

觀東坡集

第六卷

律詩七言

次人字韻二首

次韻雪

後圃

逃暑過君俞二首

贈榮天和

伯鎮傷春二首

次韻聞笛

和人三首

次韻子椿述懷

再次韻簡少孫四首

長春閣

子椿野軒

歸自錢塘

解后劉君

夾竹桃花

贈陳待制二首

次韻採蓮三首

次韻早秋

陪魯延之泛舟

第七卷

律詩七言五言附

次韻子椿

宿大乘

賞心亭

偶書二首

兩翁軒

錦繡亭

寄僧

簡劉君秉

水中登月閣

城南張氏園

贈人

次韻珪首座

同思道宿崇因二首

思道橫翠堂

夢趙仲強

勉王德循

五言

遊禪岳

山居夏日

宿青山坊

次韻俞希賢

第八卷

律詩 五言

和荅友人

二首 食笋二首 謝陳無已相訪

北觀

回酒

長干僧房

無題 三首

自然菴

湯泉道中

雨中過明覺

宿滴水巖

夜行鞏洛道上

題李欽之宅

離宣城

秋日遊青山 二首

過西莊

遊石城

謝人送魚

題齊雲亭

賀時相生辰

第九卷

絕句

次韻范景仁 二首

次韻景仁西還 二首

又次韻

栢堂自述 四首

西莊久雨

路西莊絕句

宿采石

寄梅道者

偶書 二首

瑞竹三絕

書扇

立秋日書扇

題郭熙畫扇 二首

又書扇

莊上書事

訪僧不遇

天寧即事

學古堂

題于子高宅

俞秀老詩卷

寫裙帶

采石 二首

浴南寺

源上人硯

訪臻山主不遇 二首

次韻韋深道 五首

次韻東坡梅花 十首

贈呂煥

第十卷

絕句

舟泊采石

魯延之置酒

當利樓勸酒

書延之扇

延之置酒南園

何子温家

書延之侍人裙帶

謝延之館置

口占呈延之

雜詠四絕

書龔彥本莊壁

同彥本泛舟

書彥本鄰莊屏

龔深之遺像

初入褒禪山

荅褒禪知客

褒禪齋後獨出

遊華陽洞

大乘路中

寄祖登禪師



晚過大乘

呈湯泉長老

苦竹寺後亭

再過苦竹寺

絕句七首

和張文潛

宿觀音寺三絕

謝范守惠鷺

畫鴨二首

畫鷺見

畫鷺

第十一卷

絕句六言五言并挽詞

書羅氏屏風四絕

謝荊州太守酒二首

題隱者壁

題漁家壁

偶題六絕

訪瑄上人

七夕

東山

閑坐

登月閣

遊洪福二首

遊石城

謁錢公振

憶李希武

金影軒

題黃蘗泉

次韻贈荅洪覺範六言詩五首并序

五言

偶題二首

題畫扇

挽詞

東坡挽詞

石敏若挽詞

李希武挽詞

濮道甫挽詞二首

功父妻挽詞

吊王承議二首

李府君挽詞

第十二卷

贊

自作傳神贊四

折渭州畫像贊

沈存中畫像贊

幾道者傳神贊二

崇因欽老贊

淨慧璘老贊

西菴璞老贊

儲居士真贊

李太白畫像贊

東坡先生贊二

靈巖愿老真贊

靈源禪師真贊

邦禪師真贊

李伯時馬贊

畫龜贊

須菩提贊 慧林正老贊

布袋和尚贊

俞秀老畫贊

俞清老畫贊

昕長老畫贊

壽寧宣老贊

石菖蒲贊

為人作真贊二

文忠公畫贊

為僧作真贊

吳思道畫贊二

銘

歙硯銘

圓硯銘

韋深道銘

斷硯銘

又硯銘三

第十三卷

表

賀德音表

賀聖節表

啓

賀致政太傅

賀樞密太宰

謝發解舉人

謝郭樞密

第十四卷

啓

回章丞

轉官謝漕使

謝人詩

賀王憲解元

謝陶師中

謝金陵舉人

第十五卷

啓

謝君俞

答人謝解

謝時宰

答監司

賀正表

代范忠宣遺表

賀朱樞相轉官

賀運使大卿

謝太守舉

回賀新及第

謝涇州教授

謝知縣

賀越州黃通判

賀薛左轄

謝常深道

賀人轉官

謝仲輝

上少傅

賀時相

先狀

第十六卷

書

答李幾仲

答吳子陽

代人與薛金陵

為人求詩丈

謝人寄詩

第十七卷

雜書

書鄰人紙三

書牛李事

書劉元平事

又試筆

書趙鳳事

書楊綰事

書柳材筆

書陳格石刻

第十八卷

手簡

戲楊元發  
贈人

偶書

書建茶屏

與蘇黃門

與蔡侍郎四

與叔輪堤舉

與俞教授五

與龔侍郎

與吳朝奉

與宋榮州四

與何給事六

第十九卷

手簡

與何給事三

與賈朝奉二

与馬金部 十九

与彭丞

第二十卷

手簡

上宰執十九

第二十一卷

手簡

上時宰七

与朱元章 四

与彭學士 六

第二十二卷

手簡

与姚漕五

与魯延之二

与龔平國 四

第二十三卷

手簡

与龔平國 十一

与榮天和 六

第二十四卷

与榮天和 八

与劉君秉 二

与葉知錄

与孫知縣

与祝提舉 九

与朱元暉

与劉延仲

与周漕 四

与元法曹 五

与龔彥質 四三

与劉延仲

与劉延仲 八

与趙仲強 八

第二十五卷

手簡

與趙仲強 九

與儲子椿 九

第二十六卷

手簡

與儲子椿 二十二

與友人 七

第二十七卷

手簡

與趙德麟 二

與彭丞 二

與孫知縣 八

與成德餘 十

與陳君俞

第二十八卷

手簡

與楊彥濟 九

與韋深道 七

與孫肖之三

第二十九卷

手簡

與孫肖之八

與李去言 四

與楊元發 六

與胡淵明 三

第三十卷

手簡

與吳思道 十三

與吳禹功 十二

第三十一卷

手簡

與吳尚功七

與友人往還十九

第三十二卷

手簡

與翟給事七

與楊晦叔明叔十二

與俞秘校

與彥文侍禁

與主簿秘校二

第三十三卷

手簡

與翟子惠七

與王君瑞四

與董無求九

與何知縣三

第三十四卷

手簡

與明祖印五

與洪覺範

與珪首座五

與資福堂頭三

與崇因老四

與政書記

與吉祥聰老

與天寧訾老

與慈愛禪師二

第三十五卷

序

折渭州文集

送鄭頴叔

張覺夫字序

夾山語錄

祥瑛上人字序

送戴道人并詩

第三十六卷

記

雙松道院記

藏海齋記

善應軒記

昭默堂記

壽寧院記

第三十七卷

記

崇寧黃牒記

褒禪捨田記

天禧法堂記

張氏壁記

第三十八卷

題跋

跋東坡四詩

又跋東坡詩帖八

跋蘇黃帖

跋蘇黃陳帖

跋東坡十一偈

跋戚氏

第三十九卷

題跋

跋山谷雜帖十

跋米元章帖五

跋黃米帖

第四十卷

題跋



跋采石山亭詩 三

跋吳思道帖 三

跋石曼卿帖 二

跋黃正叔帖 二

跋小重山詞 二

題方回詞 二

跋魯公帖 三

跋瘞鶴銘

跋樂毅論

跋荆公書

跋李衛公書

第四十一卷

題跋

跋荆公書 五

跋君謨帖 三

跋文安國篆

跋蘭亭記

跋遺教經

跋麻姑壇記

跋陳伯修帖

跋趙汝霖帖  
跋慎伯筠書

跋論坐位圖

跋沈睿達帖

跋懷素書

跋古栢行

第四十二卷

題跋

跋畫洛神贊

跋春秋

跋邵仲恭書

跋醉吟先生帖

跋歐陽率更書

古帖

跋吳仲鹿書

跋儲子椿書

跋聖俞詩 二

題子厚三戒

題高平詩後

題和詩後

跋劉君錫畫

書林逋詩後

題范巨卿傳

第四十三卷

祭文 疏意附

祭秦少游

又祭文 三

祭折渭州  
齋僧疏 四

第四十四卷

青詞 疏文附

還醮青詞

請長老住院疏 五

青山建菴疏

藏雲齋僧

禪岳修造疏

化度牒

修水府行宮

水陸疏

畢悟宗緣化

天寧千佛疏

還水陸

南禪推藏

采石修殿

化三衣

黃山修廟 三

廣濟修造

第四十五卷

詞曲

水龍吟 二

驀山溪 四

滿庭芳 二

玉蝴蝶

早梅芳

謝池春

怨三三

春光好

千秋歲六

江神子三

浪淘沙

憶秦娥

第四十六卷

詞曲

蝶戀花四

西江月三

踏莎行二

朝中措三

採桑子

臨江仙二

清平樂五

卜算子

浣溪沙四

鵲橋仙二

鷓鴣天四

阮郎歸

如夢令

臨江仙二

青玉案

漁家傲

驀山溪

第四十七卷

詞曲 樂語附

減字木蘭花

好事近三

菩薩蠻二

留春令

萬年歡

醜奴兒

更漏子

南鄉子五

減字木蘭花

天門謠

浣溪沙三

雨中花令二

踏莎行二

南鄉子

賞心亭致語口號

第四十八卷

墓誌銘

羅大夫墓誌銘

第四十九卷

墓誌銘

楊判官墓誌銘

林太君墓誌銘

第五十卷

墓誌銘

胡夫人墓誌銘

李氏婦記墓記

姑溪居士文集目錄終

姑溪居士文集卷第一

古賦

閒居賦



嗚呼閒居之為樂也樂其所可樂也樂非其可樂不為閒居也樂其居之閒然後知閒居之為可樂也迹雖是而心不在焉與夫故為其迹而資以藉口者乃閒居之戮民非樂閒居者也樂其樂者君子之樂也未始知其樂而盜有其名者小人之樂也潘岳之賦名則是矣而心則不閒也失志自寓其無可奈何而形容其不得已者也戮民不足以言之也陶淵明歸去來似無頃刻休息而悠然自放於造物之外陶然自得於言意之表居不閒而得閒居之樂也有一念不為閒有

一境界不為居形如稿木心如死灰尸居而龍見雷聲而淵  
默得其一未知其二也終日言而未嘗言終日行而未嘗行  
其庶幾乎孔子居鄉黨似不能言者其言曰毋意毋必毋固  
毋我又曰吾欲無言又曰予與回言終日不違如愚申之如  
也夫！如也累！然如喪家之犬也魯人則曰此東家丘耳  
夫是謂之閒居而樂不足以言之也漢儒所記閒居燕居是  
其日用之常而非其所得之樂也惟彼不類造次必偽予以  
行己狼藉自棄蒙不潔而反以銜鬻蹈荆棘而不知所避務  
淺陋之為夸而不識人間有羞耻事方且忽妻猪艾豨之歌  
而擁采朝之弊帚安燕婉蘧篔之刺而歸河水而高峙杜門  
却掃而閭里坐視其左右動容變色而肉食率懷其可畏一  
顰一笑惟我之從則言發而利害隨之一動一靜立我之異  
則顧指而百羅斯值以是而日輸月賦如征焉以是而山積  
海納如歸焉乃曰我閒居者也是又潘岳之罪人而謂聖日  
在上為可免則予不知其所以也

古詩

謁李太白祠

愛君獨酌板橋句想君不向稽山時千載風流同一轍孤墳  
數尺埋蒿藜文章誤人豈當日聲名雖好終何為譬之花卉  
自開落又如時鳥啼高低行吟漫奠江魚腹鵬來空賦予何  
之君不見吾腰耻為小兒折或車或棹聊為期又不見羸顛  
劉蹶不到耳採花摘實相維持春寒漠漠青山路厚顏已覺

歸來遲一屢尚冀容此老與君朽骨分東西

累日氣候差暖梅花輒已弄色聊課童僕芟削培灌  
以助其發戲成小詩

京洛三十年作客每見梅花欲忘食時時魂夢到江南足跡  
塵埃來不得嗅香嚼蕊不忍拾為憐絕韻真顏色誰知晚得  
江南身特出一株當舍北寒根老枿初不辨幾與桑榆同棄  
擲殷勤地主故指示頓覺偷然超限域幾山氣候也深春戢  
戢枝頭危欲圻呼奴隣家借力斧穿斷因之聊拂拭便宜邀  
月作嘉賓不惜淋漓瀉慰疇昔

又

解后梅花同作客此理雖龜亦難食道人無眼自超群定裏

觀之想應得為惜花開將及時枕上朝朝問天色自是春工  
力尚堅一向風頭來自北昨夜雪深幾一尺不覺起來欲跳  
躑躅過春面固可期聊與此花為吟域今朝舉頭消息別物  
理人情元未圻綠萼柔條宛相契正色真香淨如拭更煩妙  
語為詮評莫遺塵根迓宿昔

又

花是主人身是客更欲花前羅酒食花應笑我強相親畢竟  
人花誰是得金樽到手我自醉道人何妨且觀色三界觀來  
即是空醉裏寧漸知遊北等為圓鏡隨身現認着分明却虛  
擲持此間花花不吝嗟我與君徙入域不如收却閑暇坐萬  
境紛紛在披圻一番風雨便分飛念始情塵漫磨拭今年春

盡有明年花落花開幾今昔

彥行和梅詩甚工輒次元韻

春風不揀尊前客未必蒸羹輸內食玲瓏點綴移月窟誰謂  
吾家最先得直從去臘約為伴旦旦相看無倦色枝日彩爛  
迎東夜揮斗杓寒挂北擬將西子作孤注對與春工分一擲  
又疑妖冶瀆清真子細籌量信難域發狂不意落紙上勝句  
爭來共推坵諸郎獨歎語尤老似歎塵埃劇前拭不惟詩社  
損光輝枝上分明過於昔

次韻君俞病中見寄

老眼逢春如有隔不覺前花手頻拭昔陪韋杜尺五天此地  
去天今幾尺東家有客貪春甚酒作衾裯花作枕瘦逼休文

臂漸消渴近相如尤帶飲賞心直以花為命醉頭只恐扶難  
正春歸每恨太忙生不惜一春常似病我老無用終安之屢  
歎從君獨較遲方將結束窮勝致投權祇許春相知詩來苦  
訴不自樂春固惱人多索寞何妨強襲起應劉間捉扁舟尋  
李郭君不見樂羊功名方煒煒歸來訪書已盈篋爭如隨地  
任低昂漫浪倚珩畫元結

題步雲亭

昨夜風高蟬半咽起來知是白露節玉面少年窄袖衫袖裏  
新詩似冰雪幾日炎炎如甑中今朝忽覺起樊籠不惟氣候  
已八月更得冰雪開心曾謝公山人詩筆奇問君何緣得此  
詩報我我欲步雲去山人許我因留題君作斯亭幾許高疑

推皓魄翻銀濤誰謂姮娥落君手生遺山人籌思勞君不見  
梅老句出天地窄曾謂山人真太白采石月下憶相逢笑披  
錦袍弄明月十年明月歸謫仙姮娥豈得在君邊何妨邀取  
山人去率歲扶藜醉笑間

題涓濱亭

廣輟三千六百鈞太公欲與文王親文王不為熊羆獵卜年  
七百終何人開元天子降步輦當日何如涓濱是見同是是  
不可詰一等風雲符虎變吾君好賢軼前古處處鸛鷺刷修  
羽觀君命意非苟然他日風流湏再觀

題山堂

二年江南客對面不見山負我愛山心兀兀塵埃間

一聞說山便喜欲插修翰遽飛起君家乃在山中居永日青  
山同徙倚流泉涓涓薜蘿暗明月時時窺枕簟三伏清霜帶  
雪來不斷烟雲擁欄檻只恐居山與易闌萬壑波濤翻等閒  
知有心期難得否憑君借與畫圖看

送儲子椿叅假太學時泊舟金陵風亭

金陵二月春江上連日雨暖風初報一番晴綠淺紅深行數口  
與君已是隔年別相逢又作臨分語感君情重故可歌送君  
心折不成舞五年相從如一日物、講評窮髮縷愛君正如  
講止鷹畏君何翅文中虎未飯已知必下趙憑軾會觀終報  
楚遂巡炤眼綠袍新更約十分同一舉

走筆贈報寧老



半山老人筆如椽落筆直欲掣雲烟東亭右軍不復見龍跳  
虎卧誰爭先姑溪六月汗流水解后清風頓如洙他時問法  
到山前應許神光得吾髓

和郭功甫遊采石

卒歲惜惜無地雪二首新詩報明發史君近作采石遊勝踐  
傳聞驚久缺亢陽便有欲雪意和氣先期振巖穴想見旌旗  
錦繡張如從元君朝北關後攜一老何奇哉朱顏鶴髮起塵  
埃嗷呼江上來席上迤邐萬古隨雲開騎鯨仙人不敢避玉  
鏡臺卽俄復迴分明月下遇賞歎將軍新自天邊來遂州落  
筆轟春雷落花亂點荒池臺沉埋墓莽見一旦名高此地真  
當才從來不許說前輩寄聲魚鳥休驚猜直疑乘槎叩月窟

又若登陵望天台酒行已徹更須酌醉倒寧辭無笑杯卓然  
一段極則事遣我擊節因誰催

采石三題

捉月亭李太白

我昔揚帆下盧草落帆乘石春歎暮江南江北只見山歎識  
錦袍無問處夜深明月來青天天水茫茫月連霧想見扁舟  
捉月時江心見月如相遇醉魂不制月可捉捉得便將天外  
去月在人亡天莫詰髣髴風流誰與晤邇來水落洲渚出隔  
岸潮迴疑可步聒耳啁啾不得聞對案腥臊難下筯多情禪  
客饒佳趣粉飾餘光扶墜緒歎回古月換今人到此偷然忘  
世慮從來喜誦騎鯨句亦復買田相近住會當載酒十分圓

同指虛無問征路

賞詠亭袁彥伯

爨下得餘薪便可歌南風參差長路鐸鼓樂俄相同一葉一  
流落悠然會天工始知盛衰際遇與不遇中風清月正好爽  
晤聊從容豈意接心期賞歎如雲龍千載瞬息爾轉眴歸空  
何適非適然神交付冥鴻

鑑然亭太真

温公天下士百計興艱危大厦勢已傾意欲一木支功名等  
山嶽德澤均雨露奈何談笑間而取鬼神怒鬼神豈不鑒忠  
義當扶持一見亦何傷冥路俄與期似非理所安端恐數應  
盡邂逅不可逃紛紜遂為信孔子昔有言既敬亦須遠三復

而三思臨風更三歎

姑溪居士文集卷第一

姑溪居士文集卷第二

古詩

七言古風寄題薛公尉氏逍遙閣兼送伯成知縣宣  
德解印當塗直書民言耳非所謂詩也

長身少髯後多骨憶在兒時復相識滿朝善類推老成鄉曲  
名流誦才德爾來契濶四十年停鸞峙鵠欣相傳我方却歸  
不自得但覺和氣如春天先日朝門炙可熟今朝吏爨幾無  
烟追呼輩伍殆一指一旦束手蠶如眠父老相傳語且泣爰  
爰流離遽安集省事以來無此君豫恐他時莫能及尺紙胡  
為來北闕樂境危城俄見攸覆盆雖光亦蹙爾所惜時間未  
能雪稍傳遠近或歡喜歎者吾民喜者吏吏至酌酒更相賀

畢竟卷舒須在我父老沾襟嗟薄福此理真：定誰坐異時  
得君逾所聞香：健鶻盤霜旻信矣此地不可久空使遺愛  
傳邦人邦人姑止聽我語逍遙閣去天尺五長身仙翁昔游  
戲日日烟雲泛樽俎仙翁久已劉紫皇功行不泯鍾諸即扶  
疎密蔭被所至遂令此閣如其業我西畿數來往日脚闌干  
猶可想塵埃滿袂阻登臨白髮心期負真賞六月炎：汗如  
洗江南雨多拍隄水旗開鼓響船欲發超然爽意因石起驛  
驢一跌愈莫止大鵬會展滄溟翅何妨閣下敞高門更看陰  
功動閭里

送芝老

江頭春色已可掬風雨愴人常不足筆刀俱束紙上春牆外

落紅爭蕪蕪忽然別我下廬山蓮社風流指顧間為我寄聲  
陶五柳少留佳處共追攀

題王循書院壁謝韓君錫小會

熱不就惡木枝渴不飲盜泉水古人不可期歲月姑相委不  
愛爾井泉百尺深不愛爾庭樹千里陰相看豈計一飯報嘯  
聊為猛虎吟

近得石菖蒲胡伯鎮見之謂必以錦石資藉乃可以  
久遽輟所有為既仍枉佳句輟次韻奉謝

倒屣得小異不言四時備遺我百明珠書窓遽增氣石盆叢  
秀轉光輝攜挈哀慵絕塵世更煩藻思玄維持紙上盆中畫  
珍珠他時相對臂鱗脯何必方平為紹介

丁德孺置酒適與陳君俞聯坐聊賦小詩為君俞謝  
因以贖先起之罪

春風不解事吼地如雷霆誰知一席間  
笑語燈熒熒主人意  
彌敦設置不少停而我稿木然感槩時  
自驚多情接勝人孤  
朗如初星微吟間相警似欲慰獨醒  
我老百不堪已分如漂  
萍解后因事樂尚或有此形不慙引去  
先特意耳暫清展轉  
尋斷夢間閑媿微生何當萬里浪相與  
同滄溟

贈劉九思山人

我行亦偶然君來定何謂風高浪如山  
聞者亦已畏而君從  
一葉過我乃特地卸亭六日俱臨別  
尤自媿朝出終辨色夜  
歸或露醉殘燈不見人待我獨忽睡  
語款多破顏情極幾層

涕屈指再相從便作新井計我擔既弛  
肩君駕亦方稅不覺  
涉四年俛仰終一喟每見意每加終始  
不少替顧匪求名頑  
豈不懷此義凡生等飄蓬何物非委蛇  
為我謝故人隨方聊  
自慰

題繁川徐氏孝嚴亭

杲杲歌報恩歲月猶過隙常恐寸草暉  
終負陽和力萬鐘非  
所養所重在以色庶幾參與騫不獨慕  
今昔千尋用或短乃  
未及只赤哀哉過隙心淚盡墳草碧  
坐見食亦覩幽明固無  
隔烝嘗雖其時要是未為得詩書聖人  
事力久真自積卷舒  
豈他人悲孝均我職尚容表龜跌過者  
必此式長江會生塵  
德澤何可極

次韻秦處度同登黃山

艱生縲紲餘特爾脫魑魅殊方窟飄蓬未免遊戲事眼力到  
毛髮抉剔盡奇秘解后平生歡咲語當歌吹曲環豈人謀明  
滅殆天吏慰我雲烟期有覩鴻鵠志百年一瞬爾幸此半日  
地聊據廣莫心無作雍門淚

處度再和前詩見寄復次韻報之頃有所約今不逮  
悲愴無已題於褒禪方丈

一愛山平生心殆若鬼所魅茲遊媿不早危墜失吾事佳辰  
秋正晴有物不自秘晶熒麗初陽浮動薦微吹幅巾方袍接  
固可稱傲吏躋攀敢惜力卜築豈無志稽首定明老願借一  
席地何在眼中人不覺衣上淚

次韻陳君俞攜酒見過

野人欣莫逆君子戒多上幸爾違朝市聊復圖蕙帳薄田幾  
負郭山水分背向巾車俯秋成舒嘯會隨伏吾人真可人輕  
舟數相訪投懷失枯槁達意信搖蕩時載固難得觸境沉波  
浪謂我來歲寒種種不少創杯盤挽氣類論辨極戶量敢辭  
屢舉白自喜老彌壯回頭易陳迹傾倒乃惆悵樂事須勉旃  
何邇非醞釀

迎暉閣

霜風吹我衣日短歸路長放懷即可家何適非吾鄉稍聞東  
南偶勝致寓一方超然世外人鷄黍隨依昂簷薨闢無際戶  
牖延初光孰云日月久但知歲時康每逢會心處萬境不得

藏何當駕修翰飛雲共回翔淋漓非所期遠目聊徜徉庶幾  
蟬眼白打出鶯兒黃張君好藏茶多能識土人歲入貢  
必迂路以致其新故名聞江上

和遊一人泉

新詩解人頤秀若披雲鬘突然不可揖平地翻波瀾褰衣媿  
招攜每見輒汗顏况茲天際遊物理知難攀一來金陵居終  
歲不得閒勝踐固疇昔欲往獨見刪命駕等人爾底事獨我  
慳豈非勒移靈不許汗名山因詩想其愛回來直仍寧裂膾  
那復惜損足已滯頑清甘似可飽忽遽誰其還何當強扶老  
寄迹雲霞間要須君意果莫遣吾盟寒曉來雨脚斷去夢已

班班

秀遠堂次趙德孺韻

韓君錫起秀遠堂結中隱菴趙太傅德孺賦詩秀遠堂詩云  
翰林李謫仙埋骨青山下平生愛此山老去終不捨放逐鶴  
鷺行追隨鷄黍社文采今尚存英風滿松檟寥寥五百年好  
尚世所寡韓子荊州後為裘襲良治乃祖當時輩異代同瀟  
灑結堂山之陽真趣非少假秀色來天外遠勢包平野烟嵐  
浮翠黛攬之不容把倘伴盤谷遊屢請秣吾馬時無謫仙人  
登臨時賦者九原如可作一奠招魂笙愛山依山住如山不  
少下山中所有多惟取不容捨烟雲寔交遊松竹乃保社尚  
欠目所窮披翦寧問櫛廓然宇宙寬信矣和無寡隱隱徹四  
垂萬象入坯冶初歎彩間錯又若墨勻洒造化非適然一一  
類見假吾人端可人韻勝不少野更將桃李俱參差移拱把

古溪集 卷二 五

時哉湏自勉歲月甚奔馬得難未易失詎有長年者何妨倒  
載歸日日無虛竿

中隱菴次趙德孺韻

德孺中隱菴詩云在昔避世賢隱居豈自喜甘守西山餓清  
洗穎陽耳一旦事高尚萬古激貪鄙孰謂樂山林便可輕朝  
市竊咲效顰人不知捧心美妾將凡庸安敢晞明哲孰盜此  
嘉趣名紛若干時子仕塗指捷徑矯偽汙青史聖朝陽仄陋  
采錄無遐邇不遺下體葑况乃中鄉邑多士生此時貧且賤  
烏耻夢自傳巖來獵從涓濱起隱君聞此風翻然烏可已聊  
為知者道庶達名菴旨

退之以文鳴詩友得候喜聲名力與俱雖尊未勇耳潢池詎  
青山孰辨都與鄙菴成誰振之句出闢如市千仞寧我高克  
實信吾美生令菴內人前車云可執禮樂有先後後進則君  
子執方而昧圖俱野那復史伐柯固執柯疇克求諸邇蒸之  
既匪薪采烏又非芑近交韓與侯步驟亦常耻一醫消息盡  
布毛自何起要湏六月息不息不為已敢問二詩人如何得  
意旨

庄居直雨偶得十詩示秦處度

累日雨不止風高如作寒三分雖過二忽忽便向闌一身百  
憂集况可先懼不見是無悶念此聊自寬



滿眼都是水歲事從可知早時謂有餘今空未免饑一雨又  
三日見者皆攢眉天作人承之到此終何為

我雖非故侯通籍三十年熟不夷險半而我終歲難念非既  
弗視不覺乘波瀾餘生豈所期我君信如天

平生三面友一一人中英况逢不世主唾手可太平參差十  
年間契濶而死生相見復何語但有淚如傾

死生固可嗟一謫輒不返君恩非不深奈爾道路遠反初不  
忍歌折臂信能遣已笑何足論幸子真入眼

念我宜州兄見時論弟昆詩書固分路翰墨俄同門人誰不  
歸來獨沾死後思萬里一銘旌猶能葬家原

夕即天下士異同親見之款掩不可得交口終何為百汰剛  
愈精醜魅今尚疑浮雲空去來皎皎端所期

不返故鄉義何妨陸子居昔游既有約是豈人所圖我嘗邀  
此卜蹭蹬不自如憑時一掬淚聊寄夜臺書

向晚風斗轉場上稻已芽問雨何薄相偏來戲吾家蟋蟀床

下吟戒寒謂稍疎行矣逢此嗟

十

競爽聯夜光一箇乃明月吾友不可見賴爾相怡悅薰葭空  
非倚聲聞乃不輒啜菽安暮年足以絕

姑溪居士文集卷第二

姑溪居士文集卷第三

古詩行附

題楊子儀虎圖

秋陰報初寒恹恹日邊晚有客自宣城明爽勉昏懶手持兩  
巨軸六幅從而展披圖畫如生竟軸詩畫選平生說包鼎今  
日真到眼何止辨駟驪于焉識淄渑愛之不能已欲挂恨壁  
短猶冀逢他時更擬探遠

送人

冥冥天邊鴻蕩蕩風中雲一咲偶相逢擊節聊送君我室豈  
無酒胡為不開樽所貴樂文字固非異藹薰天門直牛渚南  
北如相文想君月下吟未厭俚聞霜空夜自明江日寒微

昏會當借餘鯨永謝五濁渾

書長干僧房

昨日方得書經年不相見書來必累幅分明如見面雖同兩  
千花路不通一線誰去非吉祥便是金毛現

和人雪意

雪意與春約野情因物裁輒將無窮思聊濟有限才雲容忽  
破碎山色如招回攜持固風昔端為此濟來歲晚君羈旅微  
君誰我倍祇恐造化工特地吹葭灰一刮不復收寂爾為之  
胚戰々競秀發翩々絕嫌猜恍然徒倚間浩蕩心曾開境界  
適何許次第分隅限高足超日觀塗如下離堆四顧始無間  
忽覺驚初雪有形均難悉無物非蒿萊却應求仙仄路迷

天台波臣復咲屈市門徒德梅庶幾未始得掇拾同舉杯攘  
袂即千古一醉姑相媒

和人感懷

高山在平地高山地焉 明珠出深淵明珠淵豈期高明在

人要湏 其時物理固如此了不差毫釐 端自窮歲

月相奔馳所以得免勉吾人惟能詩我非知詩者平昔竊好  
之每出每可愧未易皆瑣荒而君不我鄙論極牙解頤六年  
如一日不取咲則疑彼烏足為計有類寧同啗一朝召命間  
里增光輝不曰人可賢但從外物移我賢君亦賢誰能窮是  
非我欲挽君留留君竟何為聊作感慨別肯効兒女悲陳人  
不自信流品湏維持誰謂廟廟姿如我品乃宜江充與丙吉

厚薄惟異施其後七葉紹陰功終表儀是等代不乏浪爾分  
駟驪時哉君何失儀鳳方臨池為我寄聲謝擊壤正自嬉勉  
旃蓼龍事賡載冀勿隳立賢本無方莫為陳言欺

次韻東坡所和滕希靖雪浪石詩古律各一律詩見  
後卷

風波末路方奔屯屹然不動誰如尊豈知胷中皦十日願  
不接無重昏東觀海市俯弱水南登赤壁凌江村斯文未喪  
天豈遠出沒狐鼠徒千門綸中羽扇晚自得已聞漠北幾亡  
魂由來妙趣入造化地靈特出雲濤根生平到處若再歷隱  
隱似有履齒痕玻璃鏡裏萬象發金粟堂中千偈論會須白  
玉漱寒水更借落月傾金盆吐嗟菱溪成底物混沌空夸竅

鑿存

甘露堂歌

炎天熇熇如湧湯史君置酒甘露堂無風但覺冷徹骨坐來  
彷彿飛清霜史君顧客指新榜天假此應來輝光八十里叟  
感盛事獻頌請名相激昂我非取專已上報堯仁舜智方當  
陽邇來瑞應發處處中臺第一形雲章吾邦雖僻亦影響明  
德所祐真無彊已而轉躬欲受簡慙非叟比疇能當輒因勝  
遇強僂俛庶幾擊壤同揄揚吾君之澤不可象叟君之惠何  
可忘才高名重偶暫屈遺愛他日逾甘棠嗟予落莫徒自感  
乍鴻乍已如寒蜚安時逐境姑委化隨緣致力聊為鄉時逢  
載酒問難字未擬持筥操群羊但知今日不易得縱不能飲

須空觴

白鈴轄席上琵琶

青海傳烽沙遠塞謀將藁戈身不介却攜紅袖弄煙月醉咲  
溪山窮物外文章聲名家世事投筆收功無十載天子幾嗟  
相見晚暫許南來聊曠快一時賓客多可人坐令五月如深  
春畫棟潭潭簾半捲濛濛香霧無纖塵雲披霞散爛紅綠澗  
漾無處投精神秦樓風輕雁初泊玉指如流乍前却捍撥當  
曾拍屨催一段風光來漢索雖無儀鳳與舞獸擊拊分明諧  
振躍緱嶺排空午夜涼杳杳鸞吟不寥廊逡巡舞袖迴飛雪  
紅茸毯襯鴉頭鞞落花飛絮互繽紛流星掣電爭明滅主人  
情不已下客歡正濃更邀姪姪持金鐘從來酒戶落人後激

結二句与補遺  
內都城一首結  
語相同

艷不覺隨手空金張燕接平生慣一矧眼今朝真未見敢辭  
醉倒菊花偏只恐銀潢低曉箭釣天一夢固依稀欲問桃源  
路已迷何時再到紅茸地更遣游絲惹任伊

雷塘行

鞭長不能及馬腹有限生涯時苦促空使後人悲後人雷塘  
春草年年綠誰知旁色若可餐風光付與初凭肩力殫四海  
咲未已眉黛一螺當幾錢君不見黃金標棟回首盡漠漠胡  
沙青冢暮公絃欲斷空自知千金漫買長門賦膏油續盡天  
須曉石土餘螺可長保就令並蒂永不分也應終恨雷塘草

旁字疑是  
秀色

晚過王晉卿第移坐池上松杪凌霄爛開

清風習習醒毛骨華屋高明占城北胡床同伴度江州萬蓋

此詩見後集  
卷一第一頁

搖香俯澄碧陰森老樹藤千尺刻楠雕楹初未識忽傳初  
呀半天來舉頭不是人間色方疑絢塔燈熠燿更覺麗天  
星的歷此時遙望若神仙結綺臨春猶可憶徘徊欲去輒不  
忍百種形容空歎息亂點金缺翠被張主人此況真難得御選

姑溪居士文集卷第三

姑溪居士文集卷第四

律詩

讀吳思道藏海詩集做其體

唐末詩人自一家剪裁風月間鶯花憑陵墜緒篇篇勝點綴  
餘妍字字斜遠水連天來怨笛爛霞烘日帶棲鴉法書警句  
真如此流落槍榆重嗟嘆

次韻東坡和滕希靖雪浪石詩古詩見前卷

平生所願識荊州別乘還客接勝流異石崩騰驚海面新詩  
清絕似槎頭常嗟盛時千年隔誰謂餘光一旦收便覺時源  
得三昧目中無復有金牛

次韻東坡還自嶺南

憑陵歲月固難堪，食藥多來味却甘。  
時雨繞閭徧中外，卧龍相繼起東南。  
天邊鶴駕瞻仙袂，雲裏詩牋帶海嵐。  
重見門生應不識，雪髯霜鬢兩毵毵。

寄邵賜叔發運

德門平昔仰高陽，自是芝蘭根本香。  
未許藩籬承妙晤，聊因文字借餘光。  
蟻舟月下逢相守，盤馬樓前見庾郎。  
冬杪相期定如約，為君雲影認鸞皇。

次韻東坡沉香石詩

海南枯朽挿天長，歲久峯巒帶蘚蒼。  
變化那知斲山骨，儀刑兀只在人腸。  
幾因澠日疑鑄蠟，試沃清泉覺美香。  
折莫輕珉忘什襲，須防偷眼誤推剛。

送曾端伯之官濟北

貂蟬七葉想前人，四世三公表一門。  
虎步龍驤推贊冊，瑤環瑜珥見旁孫。  
琅琅廟器真無敵，衮衮淮流信有源。  
敵帚不堪終舊物，吐茵行欲奉餘尊。

濟上閒居

閉閣焚香萬慮澄，莫云身似打包僧。  
功名了未榮三事，理性容先契一燈。  
丹灶鶴歸休炷火，茶甌客訪旋敲冰。  
倦來却有登臨興，上徹層樓最上層。

告別子通

之儀早從粹翁子，權遊於門下實為舊物也。而子通之賢，蓋願見者非一朝夕。於是踰月既蒙分榻。

延挹又獲旦暮親炙告別遽有期懷戀不能已小  
詩以致感遇

謝庭蘭玉舊聞名早歲風流接二兄白璧無瑕尊士重青雲  
有路藹鄉評簞瓢弗改真天樂簪紱相高半學生授館不為  
經宿去心知美憲異表閑

和儲子椿竹

何物能令意灑然陰森常對出簷竿排槍立戟誰為况招月  
吟風好細看幾度驚回窓下夢新來添得雨中寒傷心不見  
東坡老縱有鴛溪下筆難

又

楚楚相親豈偶然依依隨處自成竿固應表見風塵外莫作

尋常草木看好事借名真有謂多言雖巧不能寒相思乍可  
食無肉一日無君恰似難

和子椿七夕

何用封侯曲似釣且將膚寸等岑樓住時未用傾河鼓爽氣  
先期勝蓍收月彩正迷千古恨雨聲還助五更愁王孫賞詠  
元無敵又見詩中第一流

題蘭臯

萬綠交陰別有天蟻舟重到尚依然回頭白髮三千丈倒指  
青編二十年賞詠未論臺閣舊維持今見子孫賢何當帽  
披陳迹再抱重衾託醉眠

戲子微無次韻陳君俞寄題蘭臯



和風煖日作霜天水雪相投豈偶然特枉新詩詠塵迹便同  
佳趣當賞年學優曼倩三冬足才過荊州十部賢為問醉衾  
應好在莫教癡望似蠶眠

題誓老小軒

高步毗盧頂上身旋開窓牖外風塵石 菖蒲從來友龍焙  
茶為近日親不見同行木上座常留伴睡竹夫人艱難歷盡  
無餘事問佛方知有此因

因過坎山齋僧值雪遂賦小詩

霜露悲傷老益增輒憑精意託真乘舞花忽報難遭瑞佳氣  
冥符不盡燈蔭葡萄園中紛一色梵羅世界結千層五天應供  
非虛語從此雲頭日日升

送宣上人遊方

七軸蓮經誦已通定將何事作家風當知法界重重意盡在  
雲遊步中金臂見時猶是妄玉毫光處未為功路頭全記  
丈殊指頰看工夫子細窮

次韻郭功甫從何守遊白雲寺

已仕因循各遇三買田歸去不須參高明漸擬凌消漢皎潔  
方知在碧潭試酌甘泉來覺晚已濟絕頂尚猶貪便應從此  
都無事祇有君恩未報慙

題白紵山

四見黃梅雨後天烟林常在咲談邊早時欲到不自果今日  
初來端有緣無復新聲傳玉蕊空餘殘照滿金田不知誰是

如溪集  
卷四  
四  
雲霞但聊揖高風一悵然

石端若似朱絲欄見邀作而偶失所在久方得之喜  
而賦詩寄丁希韓因以見及遂申前志次韻

斷雁沉蹤共倚欄定應齊客解偷閑忽驚遼鶴排空至何啻  
廉珠昨夜還假罷已慙名下誤強顏終愧筆頭慳江流有盡  
情無盡湏把高風付子山

一丹領玉局昔東坡翰林作詩送戴蒙有玉局他年第  
幾人之句後自嶺外歸遂領玉局予復官亦得之坡  
今亡矣悵然有懷

東坡因地夙相親玉局終為繼戴人祿仕豈知承未孰恩光  
又許龍齋前塵昔蠅附驥元非援白玉無瑕晚更真泉下有壘

應首肯不隨凡劣易濫磷

次韻葛大川喜王君相遇并寄吳思道

君思曾未報纖埃倦緒淹時鬱不開高義不忘轅下舊好音  
常自日邊來欣逢雅好非空至頓感陽春泛酒迴早晚退朝  
紅蕊下細談陳迹共餘盃

呂吉甫第乃謝鎮西故居中間常為佛刹而獲檜則  
舊約也劉夢得有詩因賦其韻

故國悲涼古木奇勢分庭下蔚相差霜根半露出林虎畫影  
全舒破賊旗寶界曾迴鋪地色節旄還映掉雲枝劉郎風韻  
知難敵儒帥端能表異時

題張湛然兄弟所居壁時謂之不見

樂全老子如星日真一仙人似鳳鸞早歲光明均照耀異時  
文彩避高寒低回氣類追千劫解后風流得二難環堵蕭然  
清徹骨却疑深雪卧袁安湛然乃安道之孫

李去言相別二年忽得書知在吳中答書偶成

宦路相逢一笑休共知身世兩虛舟楚才有用誰青眼趙將  
無功枉白頭會見姓名通北關何妨風韻冠南州求田接武  
如鳧鷖只欠元龍百尺樓

與珪元白相別之次日大雪火邊有懷其人

上人偶作十日留才別便覺如三秋應作擁爐華藏客不知  
對雪如溪愁清詩字字吟可老冷日暗惜誰見投媿我霜鬢  
不容剪寒灰撥盡欲何求

次儲子椿金陵作別韻

千里波濤一葉中急難平日但聞風自非積習有天得那復  
間關特地同樂事放懷須命酒生涯何處不飄蓬先歸只作  
尋常別折莫樽前感斷鴻

又次子椿同君俞三詩

倦途回首已無牛獨向田間涉半秋倚伏固知同失馬攀援  
猶恐昧操舟漸逢陌上相推醉尚有空中未下鷗可是道邊  
無葬地肯將身世曲知鉤

右一

西來不復見青牛問遍生涯兩鬢秋但受郢人夸鼻斲豈知  
蒙叟是腰舟柱頭寂寞千年鶴波面分明一點鷗不向虛中

如夢集 卷四  
問消息 碯溪終老但垂鉤

隱隱山林似卧牛紛紛鑪櫓喜逢秋  
虛名謾託三春柳實際須歸萬斛舟  
未信此生真野馬且將餘日寄江鷗  
崎嶇精衛人空笑終空長鯨上直鉤

次韻子椿金陵相會詩

濛濛小雨落正帆  
漠漠烟雲遠近山  
屬意幾回真入夢  
歡來常恨澁如灣  
家程豈復嗟留滯  
物外何妨且往還  
便恐都人入圖畫  
却應難寫是高閑

次韻子椿遊雨花臺同長老德正

勝遊自有經年約  
佳客難司信步來  
無復風烟翳寒日  
漸催花柳映高臺  
雲光故事空陳迹  
玉樹遺音失舊哀  
今昔循還等相視  
欲尋歸路更遲回

又次莊居見貼佳什

茫茫巨浸托船歸  
風不充帆氣易衰  
猶喜歲寒逢送旅  
不將人事異當時  
從他老去知何用  
由是終焉豈自遺  
獨有東阡南陌意  
莫辭扶杖數相期

姑溪居士文集卷第四

姑溪居士文集卷第五

律詩

用聖行韻和呈幾仲

牢落郊原正早收  
書來起我頓風流  
絃歌裏識琴賤  
鴻鵠飛時逢跡秋  
極目烟雲來栢  
碩何時談笑共  
沉浮文章落筆  
驚人眼新有聲  
名舊姓侯

和人見寄二首

雍容閑雅許君都  
萬緒相逢一笑無  
休把盛衰觀世諦  
且將言語共詩圖  
人亡人得同吹  
吹潮落潮生等  
據梧只恐後庭  
歌不盡曲終翻  
被鬼椰撇

又

傾盡相逢惜別離等閑談笑盡心期  
它年終解如今日此念  
常應寄異時餘事不妨多蠟屐  
放懷贏得盛留詩早攜桃葉  
尋歸路準擬花間倒接羅

澄虛堂

公子高明悟劫灰  
昂開軒語致幽懷  
縈雲疊嶂鏡天去極目  
滄波人坐客千首詩成  
談笑裏百分酒盡  
筦絃催自憐曾是  
高唐客款賦漸無宋玉才

和子椿

一番霖雨下商巖  
末路方收破冢帆  
鷄肋未能忘則取驪珠  
還見發囊函澗分餘浸  
回枯轍色借陽春起  
陋緘似是亨嘉  
相際會便應從此出塵凡  
陋緘一作病杉

莊居寄友人

槐黃時節早相期  
留滯田園阻薏依  
聞道程文大超軼却因  
詩句接光輝君能活計  
如公理我愧生涯  
負表微已向青山  
託遺老不應專有謝元暉

和友人見寄三首

一

明月平時敢自因  
特高蘭玉信吾人  
便從緱嶺如無媿更許  
毗耶約問津每見似醺  
千日酒不言常備四時  
春妙雲豈獨南遊契  
又喜鍾山近得鄰

二

俗駕難回固有因  
勒移終愧北山人  
不辭冒雨投歸步始信

忘形是要津一笑未容披軟語十分先覺報新春定應偏契  
王郎便消得從來願卜鄰

三

除却吟詩總是塵道人應笑可憐人固知參請能成佛未到  
升騰且咽津村落風烟常似臘禪房燈火已如春會須隨例  
餐餼子聊借明窓作暫鄰

懷舊二首

一

陳迹回頭似夢餘花應長好但人無詩成固已名千古墓上  
誰傾飯一盂流落丹青驚始見形容筆墨竟難圖公孫自是  
天同派謾託周人載願膚

二

花存人往祇天知日暗心搖却自疑尚想漢庭傳詔令如登  
魯廟見樽彝一時鸚鵡娛賓賦百世井棠美召詩安得殘春  
逢海上盡傾哀淚灑新枝

送人入館閣

天祿崢嶸北斗齊享窮人欲去無梯自非終賈名徧重祇恐  
蓬瀛到却迷鈎槩異時森杞梓功名他日看虹蜺中朝若問  
姑溪老但道摧顏一木鷄

解后故人

湖山勝處得君家懷祖曾於膝上誇不見多年應官遠相逢  
何事却天涯朱絃無復來湘水駿骨分明產渥洼聞道賢勞

多野處新醅聊寄敵霜花

又

己將身世等浮雲又向江邊得故人數日暝寒埋雪意一番  
佳境為時新村醅淡薄聊資咲洞戶深閑自有春已幸鄰封  
同寄老却應風月費精神

金陵懷古二首

一  
煇燄何勞鼓萬牛聊將一帶付幽流終聞浮鷁來波上已見  
牽羊出石頭舊穴依然披信汐古祠誰為薦時羞功名到了  
成何事擾々空移夜壑舟

二

霜天日晚獨沉吟潮上風來別是音恃險戰軍休想舊凭高  
臨眺且論今數聲雁感千年恨一片帆驚萬里心不是江山  
解磨折却應人物自升沉

和人見寄

壯志崢嶸不自神低回聊此接波臣雖非腰重真騎鶴猶勝  
途窮強泣麟擊節久懷洲上晚空樽未放網邊春固知遺老  
能相契翻愧公輸作幸民

邨郭叢臺

禾黍離々露一丘淡烟輕靄夕陽秋微基西枕邨山盡往事  
東隨漳水流御輦金車何處去閑花野草幾時休可憐全趙  
繁華地留作行人萬古愁



久雨次韻君俞

塵埃肺腑屢更時  
淫雨平欺素額垂  
忽覺光輝慰岑寂  
坐今華茂轉離披  
中疇未厭徒空壁  
雅意安能系赤墀  
獨有晴明陪擊節  
回腸尤在不為詩

次韻君俞瑞香

占盡韶華異稟芳  
分明絕艷降昭陽  
肯同繁杏掩春色  
謾道幽蘭有國香  
大葉尚疑攢處警  
馬嵬猶詭去時囊  
牡丹獨賞慈恩句  
只解金盃比發粧

次韻君俞四首

一  
文章老去豈能神  
猶有殘膏占舊名  
賦就賈生空自感  
詩成

侯喜近聞聲  
拾塵已信非  
嘗飯撒豆終知不是  
兵多謝嘉篇  
慰岑寂便思  
約聞歸程

二

合浦圓光降  
夜胎豫章千尺本  
天材未能海運參  
搏翼聊復舟行共  
覆杯白髮情懷雖  
草莽青春消息自  
條枚何妨接武窮  
幽致莫待風光却  
見催

三

語解驚人固有神  
始知無不是虛名  
方觀去接天邊翼  
何事猶諧爨下聲  
齊晉近能通軟血  
江黃詎敢議鏖兵  
老來肺腑都荆棘  
頓欲薶鋤不計程

四

熊掌如何得豹胎  
棄常嗜異信難材  
端能不學邯鄲步  
正可因嘗沉澆杯  
有意良圖休我老  
他年吉卜佇君枚  
雲間日下容相契  
且置然莫特地摧

堤上閒步二首

一

風旌江木信漂浮  
散策騰騰亦謬悠  
未必縈回能擢勝  
却疑平遠解供愁  
年衰易感難留日  
機盡應無不下鷗  
渡口舟橫晚潮急  
一番佳意憶蘇州

二

暖風輕蹙浪花浮  
留滯江城媿謝悠  
吟苦空多屈原恨  
賦殘猶剩爽  
即愁漸因卜築投  
歸鷺聊托潺湲習  
戲鷗可笑麤官

殺風景滿船  
絲管載涼州

題韋深道寄傲軒

南窓何似北窓涼  
寄傲來風各有方  
千古光輝如昨日  
一時收拾付新堂  
已驚醖裏醅初綠  
更覺籬邊菊漸黃  
就使主人官即顯  
此間高興定難忘

次韵君俞無簡少孫六首

一

連壁兼金盡出倫  
雪髯霜鬢信陳人  
能忘枘鑿方圓異  
許接風雲變化新  
絕韻淹時勞極目  
虛齋窮日但凝塵  
何當一笑披環堵  
賴月吟哦未厭貧

二

殘編樊葉掩還聞好意經年不暫來伏櫪已應真款段脫鞵  
終擬謝低回頗傳共坐侵斜月更想微吟薦罰杯居士後來  
少風味獨將愁眼望初梅

三

莫羨財多石季倫任從閭里笑長人五湖浪迹名終在六印  
懸腰眼暫新且樂歌呼隨漚管不妨文字洗留塵年來頓覺  
珠璣富萬戶侯家却是貧

四

惜、懷抱不曾聞忽、還添一歲來燈火香花隨贊祝兒孫  
穡勝共乘田休誇路寢當前拜誰得屠蘇最後杯何物相期  
同一醉為君催發檻前梅

五

定應春到今日幾但覺耳邊多醉人已分餘生不如舊却因  
佳句漸能新悲來徒有縈心淚、盡空驚滿眼塵到得誰無  
真我筆一筆猶是作家負

六

書空懶作吐、語催老祇恹駭、來新夢已將愁共遠離魂  
不覺淚驚回病餘想見蘄巖玉歎處猶懷宛轉杯能伴晴和  
着履否深山應有未凋梅

觀東坡集

今朝又讀東坡集記得原州鞠獄時千首高吟廢欲遍幾多  
強韵押無遺固知才元非敵獨有心期老不欺淚盡九原無

路見冰霜他日看青板

姑溪居士文集卷五

姑溪居士文集卷第六

律詩

一 再次韻人字韻奉送禹欽且堅再來之約

滄、梅雨漲江濱耿、僧房借鉢人秀色驚回隨念到孤懷  
贏得暫時新何妨一笑空諸有更覺三摩淨六塵憂患年來  
倍傷感送君哀淚不容貧

二

相逢懷抱各全開蔚結才舒倏又來傾倒已辜將進酒追隨  
休賦上林回臨分莫作楚愁嘆故事須詢河朔杯看取滁翁  
宜自警空將遺恨感蘇梅

襲前韻再簡少孫四首

一  
由來氣類即天倫孰謂現獨可人稍隔相從更無味幾因拈  
起又還新席間誰致龍皮異雪裏常懷鶴羽塵祇欲期君拾  
瑤草度即三韭未為貧

二

雪意埋雲蔚不開新春還傍故春來未堪翫  
差池接羽回得喪但知求失馬盛衰羸取付傳杯風流二妙  
天憐我種玉秧中更挿梅

三

子默清真本絕倫羊曇仍是箇中人林泉不作南風競旗幟

還因對壘新金鑛躍躪元有艷冰壺瑩月舊無塵何妨再葺  
昆陽戟尋邑師行固不貧

四

記得金樽特地開舉頭新歲又重來銀潢已分經年隔玉節  
猶期舊臘回千汲浪迷雲表夢百分愁寄燭殘杯醉鄉誰謂  
無消息已覺歌聲傍落梅

次韻雪

臘日頻年未嘗雪今春雪與臘俱來暖蹄白傳金蕉業寒逼  
溫即玉鏡臺幾處歡聲動絲竹一番佳思近離堆新詩不以  
尋見萬里豐登氣已回

題張約之長春閣

江山信美六人同寒暑隨時興易窮寓意果能超物境養花  
長欲占春風何須戶外屨常滿自樂尊中酒不空可笑道人  
猶有恨一番紅盡一番紅

後圃

鶉鳩呼婦天欲雨杏子退花鷲未雛庭前已覺綠半毯酒面  
忽有紅雙鳧芳物戀客不忍去主人好賢誰復如會應百歲  
享此樂何妨盡作重屏圖

寄題子春野軒

江山秀氣表吾人輦下開軒得趣新不擬舊遊離几席常令  
美况隔埃塵客來談笑無非楚紙上文章近過秦分我一枝  
頻見約乘槎行欲問通津

一  
逃暑無地偶遇君俞聊資華屋廣蔭以楫主人之勝  
綢繆禮意遂至抵暮君俞有詩因次韻二首

無功衛鶴偶乘軒虛暑漫誰解倒懸頓覺御風凌絕境似逢  
調瑟認華年回光已幸叅東壁裂地何須得酒泉自惜抑揚  
非瓦礫倦途終媿失陶甄

二

十輪揚暉舊軒、回壁相如磬似懸豈謂投懷忘晚節每容  
佳處共流年笑談璀璨風生坐翰墨縱橫思湧泉土苴固難  
重就罷轉鈞尤幸識情甄

歸自錢塘伏蒙君俞特枉佳句欽嘆不已聊賦來韻

吳山陳迹已飛埃，投老還驚病眼開。  
似泛靈槎海邊去，却應華表鶴歸來。  
情移客枕收殘夢，恨著江梅戀故臺。  
便覺新篇資六翮飄，真是子虛才。

贈金陵榮天和

生涯已定不干時，收拾工夫且作詩。  
瀨水方來吊東野，同安初喜識丘遲。  
無將佛事資三昧，又見風騷出一枝。  
投老相逢能几許，何堪得句每相期。

劉君以地里之學各解后，相過求詩為別。因賦長句。  
久聞秘術獨超群，肯向青囊學景純。  
解使山川如在掌，須知禍福不由人。  
論功合附天仙籍，底事猶隨客路塵。  
滿眼峯巒應有待，何妨裁剪出精神。

伯鎮客居傷春佳句，輒賦元韻二首

一  
休論莫與休，老眼逢春且暫留。  
未必餘寒更能久，祇因殘藥易為揉。  
及時行樂何妨劇，感物興懷謾自愁。  
南北生涯等西羈旅，定應無着是清流。

二

紛、到底不如休，空把關心見便留。  
昨日白消行處去，今朝綠遍定誰揉。  
且從寂滅翻千偈，安用深湛詠四愁。  
我坐言多欲無語，每慙佳思枉詩流。

次韻夾竹桃花

料理愁懷落那邊，桃花烘日竹含烟。  
牆紅窈約連昌曉，夏木

深藏繡嶺天籃舉造門如會面漁舟失路想當年回君咏出  
黃筌筆從此風光生彩牋黃筌作夾竹桃花屏風東川西川  
花片補其缺處凡不能辨枝上地  
下相契不差毫髮天下傳以為工

次韻聞笛

涓涓水咽衆山泉隱隱雷驚二月天共喜春工能應侯亦知  
節物似烹鮮倦途所欠無多子勝日相逢又一年好是群花  
應繞發不須留待柳三眠

和郭功甫贈陳待制致仕二首

一  
十年朝馬望前程晚作琳宮物外人徹骨清風真有韻醉心  
常德本來淳新栽松菊開三徑舊檢方書備六陳不是詩翁

形美頌丹青難寫自由身

二  
南北紛々不覺塵鴛鴦湖水解留人乳浮香焙誰同試燈泛  
家篇分外淳禪寂久應師絮可婚姻便可繼朱陳莫從舊路  
尋歸夢占取東籬採菊身

和人三首

一  
昂々野鶴固難群皎々冰壺不受塵一笑每逢青眼舊多情  
空媿白頭新西風未用高紈扇東道應容岸角巾珍重長謠  
倚雲瑟瀟湘誰是賞音人

二



經年牢落別離群，準擬歸來拂路塵。  
妙語獨從書上得，歡悰猶欠坐中新。  
頗聞洛下傳佳句，更喜嵩陽識墊巾。  
几欲軍門示巾幗，老來猶更不如人。

三

荆谿風物記當時，吹絮河豚下箸遲。  
綠滿金田朝應供，紅殘朱檻夜論詩。  
幅巾已託遺民後，杓柄猶懷象骨疑。  
早晚雲間見金臂，空慙翠竹謾抽枝。

次韵採蓮

聞道栽成十畝蓮，便思挑出杖頭錢。  
定知苜蓿參差處，不是决明顏色鮮。  
紅日半移芳草岸，清歌低泛木蘭船。  
驚心未得同真賞，空媿諸豪白玉篇。

復次韵

國西華麗占池蓮，曾記開樽奉賜錢。  
几欲漂流芳滯念，又驚紅綠映澄鮮。  
主人無間容聯步，勝日何妨更買船。  
蒲挹香風振歸袂，更煩佳思出新篇。

又

幕府風流舊泛蓮，商孫家世掩青錢。  
別開眼界霞爭爛，分得秋光菊未鮮。  
燈陣有心欺醉帽，珠盤何日瀉歸船。  
錦囊示我鏘金句，空媿已吟綴後篇。

次韵子椿庄居述懷

偶因秋葉記初春，增損元無爾自貧。  
病骨蕭條驚歲晚，新詩來往媿情親。  
未應謝傳終有涕，誰為劉公足可人。  
艾火呻吟

對搖落不堪庭草又還新

次韻早秋

衝、時序一郵亭睡美從今氣不蒸便好心期金葉酒乍驚  
夢在玉壺冰栽松種竹來三徑效策輸龜待十朋百尺樓高  
誰與共倦途初喜接陳登

同子椿遊三品石得井尋三閣故基久之因以次韻  
桑柘立墟輦路長景陽依舊在山陽石標官品名常在井記  
胭脂迹半荒吊古謾勞興感慨寄懷聊復共徜徉相看等是  
未催枕何日同驚夢後梁

陪延之泛舟歷湖至苦竹寺次韻陳致君席上所賦  
已涼時節未霜前十里平湖共酒船岩岫湧寒清徹水芙蓉

翻浪綠連天百年過眼真聊尔一笑投懷豈適然獨有黃花  
似迴避定緣紅粉不能先

宿大乘贈祖燈

倦作知上未知還平日生涯只在山金碧喜逢雲外境文章  
重見管中班篆烟蒙曉留無寐室鐸吟風笑不閑他日歸棲  
雖有地勝遊終寄夢魂間

姑溪居士文集卷第六

姑溪居士文集卷第七

律詩

賞心亭

賞心亭角倚欄干  
虎任龍蹲自屈蟠  
無復理金銷勝氣  
空餘飛鷺識前灘  
百年名在人何處  
萬里潮平雨送寒  
幾向後庭更白紵  
不堪殘照下魚竿

延之云累日把酒止在相近處  
殊不快人意坐間命徧索城內外可以延處之地  
將往因之得城南張氏園  
秋花班駁可喜遂劇飲待月上  
戴花作樂而歸市猶未徹  
觀者如堵次致君韻

累日相看似處陰  
今朝乘興共追尋  
曲欄方沼爭留步  
秀色

新啼總會心酒面屢從羅綺發花心休避雪霜侵燭城醉路  
凌初月但覺人山一徑深

偶書二首

一

閉門只欲渾無事門外何嘗有事來生計不須憂水旱仕途  
休更問梯媒身安種；皆三樂客到時；共一杯此外華嚴  
是歸處眼前接閣竟誰開

二

小山相對數椽地樂與心期境自多有酒未妨同客醉無情  
到了任君魔採薇行歌亦勞矣飲水曲肱還會麼只恐時來  
把不住更看究竟事如何

贈人

落得清閑與物疎扁門終日似山居案頭新有歸田賦架上  
元留緯世書紫府未須窮秘簡丹山重見引名離詔恩只赤  
來相繼還許頻為賀客無

和兩翁軒

何處又傳金挑出幾人爭看玉山頽幽情不是風期舊異境  
難從指顧開猿鶴已回塵外駕烟雲休造眼中衰未妨一老  
同巾履香火終年謝劫灰

次韻珪首座

陰重爐紅款雪天氣氲香篆不藏烟南遊步；如同歷西竺  
層；有舊緣未覺鴟聲驚戶外似傳梅信到窻前老來酒量

無消息負此佳時一慨然

和錦繡亭

漂泊生涯寄一萍勝遊長記錦花亭  
山來已訝天能巧春到方知地更靈  
雖許登臨追曳尾却應顏色未忘形  
何妨共保千年約白帽回頭笑管寧

吳思道相送同宿崇因二首

一

端門風月十年拋岳老山林寄一歌  
可得故人來市脚共尋陳迹到江郊  
麥黃且置塵中累眉白欣投世外交  
只恐話長清夜短明朝去路不相饒

二

形單影隻久相拋鼎食端能勝飲瓢  
已分餘材辜北闕元非不雨自西郊  
求田聊復同中隱玩世寧嫌瀆下交  
千古平泉有遺恨謾勞精爽畏饒

寄僧

得皮得髓謾多門實際圓融理自存  
諭意當時總一笑還鄉千日見三孫  
維持佛法元無事建立家山盡有文  
占斷乾坤今鼎足會多孝吼慰傳聞

寄題吳思道橫翠堂

紅塵擾々功名地不礙詩人得趣幽  
何必千巖連萬壑能今六月似三秋  
茶甌變乳隨湯泛香篆縈雲盡日浮  
時覺東城添紙價應知得句勝封侯

簡劉君秉

劉郎本是風塵外，盡舸新從越上來。閒說露芽如爪活，更多  
溪楮載肪開雪消。鼎面聲頻涌鶯轉，池心首屢回洗滌睡魔。  
臨二景敢辭瓦礫換瓊瑰。黃庭有內外景。

八月十一日九月六日二十四日三夢過趙中孫家  
坐中人物笑語一，如平時因寄長句。庶蒙藻思見  
酬因投一會面之慰也。

憶陪金醖醉紅顏，回首風光杳靄間。老去未忘三汲浪，近來  
頻夢八重闕。雲烟舊路到何日，燈火虛堂真似山。只恐斷魂  
收不得，更須佳思與招還。

水中登王德循月閣

龍宮海藏固聞誇，偶襲初涼泛客槎。層檻迥高臨落日，洞房  
無數盡浮家。閭閻可想知何在，天水相連杳莫涯。借我華嚴  
記殘帙，欲將因地付袈裟。

德循詩律甚佳，方幸拭目因作拙句以勉之。

唐人好詩乃風俗，語出工夫各一家。前輩相因多自任，後來  
無復更相誇。半山老子偏遊戲，真一仙人每嘆嗟。傍出豫章  
登一格，憑君細與辨龍蛇。

五言詩

之儀家當塗七年矣，屢過禪岳山下望高山塔，款一  
遊輒不果。異時山主勲公太師與其子宣上人相過，  
因往報之。取路回遠，薄晚方到，逆留宿，揀字一新舍。

次皆得其便而宏麗高明唯見者知焉又復規範齊  
肅鐘鼓應接問之乃勲一力所就絲蓄粒聚未嘗毫  
髮資之人此尤難者感嘆不已因賦二小詩趙郡李  
之儀

窄堵頻經眼伽藍未息肩多情兩父子同住一雲烟繚繞尋  
幽徑從容慰昔年本無留客意投分且遷延

又

去住如流水興衰似轉肩新工幾奪目舊燹僅留烟願起三  
千劫巧收十八年兇孫盡龍象家世自綿延

藏雲山居

鳥語晚更好山風秋轉涼心閑日自永簾冷夢尤長赤薦新

春稻清添舊蔭香此身歸有地去路尚何方

又

雨後山尤好秋來方此時心清覺老健步懶欲歸遲林響驚  
鼯鼠風閑叫畫眉善人吾豈敢去此尚何之

山居夏日

金鑠籠窓日黃繒蔽柳蟬戀鶯忘日轉借榻就涼偏好作宿  
山計難堪被俗牽歸途迎晚炤豫促渡頭船

談上人遊方既歸林下焚香誦經以嚴報地相見欣  
然留不款去遂賦小

委曲被高下虛明得靜深佛香平日願經卷本來心地據三  
車上塵無一點侵出山應有恨何處似如今

宿青山坊君錫館置甚款時方興圩

命駕追彭澤開懷得士龍殘寒偏惱客小雨未妨農已幸同  
歸轍何勞更賃春川原如故里疑是舊栽松

將過黃池中路寒甚風猛不可行復歸青山坊投宿  
過午風雖惡此心難自安如何一時頃遂變十分寒認聽僵  
夫訴還思昨夜歡祇應賢地主猶作故侯看

次韻俞希賢大暑家居寄天寧二老

靜退陶彭澤風流支道林論懽雖暫阻投分本來深客舍汗  
如洗僧軒雲正陰莫因俗眼礙終負勝遊心

姑溪居士文集卷第七

姑溪居士文集卷第八

五言詩

和荅友人二首

一

比日逢春社占龍得賁山雖能素願合未放老身閑家世綿  
延遠功名指顧間自應天有助一到一開顏

二

春來自多雨行處只逢山賦分皆可樂貪生嘗不閑人歸挑  
菜處鳥語落梅間翻恨新增酒何從解醉顏

食筍二首

燕雀初為友烽烟近卜鄰不嫌千語聒只怕一籠新病眼嘗



如睡歸心喜似人拌餐猶見笋未省已無春

牆外是西閨每夜得應烽火

又

疎簾不碍日缺籠宛如塘然坐千名佛忘形一炷香卷中貪味永鏡裡任顏蒼飲後終推枕逡巡又夕陽

謝陳無己相訪

下直未天祿柴荆故遠求論心日恨短歸路兩何憂紅葉續紛晚黃花爛漫秋會須尋此况擊節再相酬

昨日偶到北觀蒙君俞元載元發明叔惠然見過

御選

勝日欣相得曠懷誰與同如何四君子肯顧一衰翁林抄收殘雨簷牙迎好風歸時不須問更待月如弓

回酒

莫笑和州酒和州酒却醇聊資千歲祝用贊一陽春柳信過將報梨晴點向真醇尋平日路好在武陵人

書長干僧房

異日延禪地今朝選佛場真身瘞堅固層級韻琅璫雨灑家家潤燈傳處處光曾將一則語要路截諸方

無題三首

一

解后俱青眼抬攜媿白頭穿林猶畏日坐石忽驚秋不作崎嶇倦幾成汗漫遊臨分懷杜老月湧大江流

二

步武高低外生涯夢寐中不知三徑足信是一生窮觸目如

逢舊隨緣似有功便應參羽翼何異注魚鱗

三

軒廡千尋碧江山一秣紅微吟接僚友健啖趁群童戀別猶能暫論歡昔已通更憑將此况遠問雲溪翁

題歷陽天慶觀自然菴

一日復一日新年即舊年本來無欠少強自起攀緣妙悟通三境清風寄七絃昇騰如未果且作地行仙

自大乘將遊湯泉道中

御選

迢、山路永漠、曉風昏雨歇鳩呼婦年豐稻有孫旅懷悲暮齒野飯寄前村只恐今宵夢憑誰續斷魂

雨中過明覺招上人輒留小詩

雨路如投洗山行似踏絕深閑逢竹院歡喜得詩僧語款疑縈靈心明自有燈難忘惜別處高義等丘陵

宿滴水巖懷趙德麟和壁間韻

御選

瀑水瀉靈竇鑑鏘韶濩音樹深猿嘯月山迥鳥啼林一曲廣

歌一作彈

陵散再歌梁甫吟天邊有鴻雁莫寄此時心

夜行鞏洛道上

夜久露華重寒鷗不肯棲月推銀海上斗過玉繩西風脫林衣瘦山擎雲帽低流螢三四點趁隊過前溪

題李欽之承事宅

松竹龐公宅丘墳倚相家和聲敦鴈序秀色茂蘭芽魯東方如昔淮流詎可涯躊躇不欲去寒日任西斜

離宣城

倦客登舟際江城歆暮時恨長山自遠心速棹歸遲村市明  
魚火巖城起鼓聲詩成真有助新月上天涯

一 秋日遊青山訪太白山墓二首

潦倒忘衰日風流襲墊巾未能分朽骨還此挹餘塵吊古無  
千載傷心為一顰依稀如到眼氣類信吾人

二

潦時苦炎暑此日遇初秋舊籍存十畝彛倫詠九疇但能尋  
曠蕩何必事深幽未媿遼東笑真成知北遊

遊青山因過西莊

青山忽相值一笑脫征衫未就三都賦聊尋五柳潛並遊雖  
意得作濶更愁蕪問字終忘倦言歸但小慚旁求須作相未  
聘且耕巖贈別無多語禊身要律貪

同榮天和遊石城

茲遊久寂寞勝士偶陪隨竹暗笋初熟江深鱸正肥但須頻  
結社何必訪題詩會有重來日還應記此時

謝人送魚

珍重黃池秀風流迥出塵多情念霸旅脫網寄鮮鱗掀動龍  
蛟完驚回七筋春丹青如得便更擬問通津

題齊雲亭

凌空登白紵此地與雲齊一覽衆山小方知人世低暫留蝴

蝶夢終負杜鵑啼  
日向禪關客何當  
別有梯

賀時相生辰

錫羨來經世儲休表  
降神雲開瞻鸞鷲  
天上識麒麟  
蘊藉三冬學形容  
萬古春班庭  
碩玉筍鎮廟契  
金人帝載熙  
明格朝簽絕擬  
倫淵漠參密輕  
同德在斯民  
有作皆前用  
無言不緒陳  
光華榮壽筭  
蕃錫會昌辰  
寵接張侯異  
年頌衛武均  
江千空引梯  
無路襲餘塵

姑溪居士文集卷第八

姑溪居士文集卷第九

絕句

一 登山未還范景仁以詩見促次韻二首

撲面烟霞曉更嘉  
偶隨藜杖訪仙家  
斜陽不見登山屐  
獨逸長溪折夜花

二

危墻烟際聳層城  
潮落沙頭眼更明  
不覺扁舟犯斗牛  
天風吹下步虛聲

次韻景仁海次西還二首

一

留滯初春寂寞濱  
眼明歸路一番新  
何妨更作重來計  
技上微紅解惱人

二

二月春陰到水濱  
秋風重見玉蟾新  
無端擾：來還去只恐  
沙鷗解笑人

又次韻

尋春何惜駐征鞍  
只怕春歸不怕寒  
故國山川無限思  
我來仍得雨中看

栢臺自述四首

一

窮日暗：已死灰似沉習  
并念昭回一聲霹靂起  
平地頓覺

習字疑誤

青天萬里開

二

鑽龜打瓦不曾休  
金注昏人豈自由  
誰謂純誠無感格  
會逢公議報私讎

三

一夢揚州似隔生  
輕舟來往但貪程  
莫年敲棘兒童念  
風物依稀愧此情

四

熬：內火戰騎陽鶴  
啖風聲便着忙  
波浪翻天誰與渡  
却應井井是慈航

江西庄上久雨

去秋歆雨不得雨今春望晴還未晴  
蝼蟻尚知為自便強將私意與天爭

路西庄絕句

麥未登場已插秧更憂雨過水還傷  
一生能着幾量屐白髮蕭々祇管忙

宿采石

江聲隱々風前恨鴈陣喧々枕畔愁更覺孤衾如潑水始知今夜宿山頭

寄西庄梅道者

因緣時節本相期只恐嗟陀醉似泥  
洗盡從前留意處何憂金臂不提攜

偶書二首

一 元宵燈火鬧遊人偶向忙中得此身  
淨几明窓塵不到弄黃先見一枝春

二

通中玉冷夢偏長花影籠堦月浸廊  
挽斷羅巾留不住覺來猶有去時香

瑞竹郎事三絕

一

芭蕉葉密柿陰濃散髮西窓到晚鐘  
霹靂一聲三尺水旱天方信有真龍

御選  
詩永選此  
首題作有  
贈

如漢集  
二  
織絳不挂汗如傾一霎風來夢乍驚自是人心有涼思強將  
庭葉作秋聲

三  
鴨脚初成綠未齊芭蕉仍在柿陰西推遷節物均如此眼界  
何須苦自迷

書扇

會稽陳迹久荒蕪流落江城墨未枯好向溪邊示行客問人  
能出百錢無

立秋日書唐行成扇

自古逢秋悲寂寥我言秋日勝春潮晴空一鷲排雲上便引

詩情到碧霄

題郭熙畫扇

蹇驢破帽聳鳶肩石裏長松欲到天六月塵埃汗如洗始知  
立意不徒然

又

娟娟涼風八月初試揮掾筆寫江湖還家預想迎門喜爭問  
今年得意無

又書扇

幾年無事在江湖醉到黃公舊酒壚覺後不知新月上滿身  
花影倩人扶

畫夫子扇

烟稍雲頂石藏根溪壓輿梁晚乍分車蓋定尋何處路皇皇  
猶想為斯文

題畫扇

曾記終南雪裏山玉峯瓊岫聳巔岼風流轉入丹青手畫作  
江城六月寒

又

落筆無因似退之每逢佳致却如癡孤高全露秋來骨無復  
山紅間碧時

庄上書事

柱礎猶蒸濕未休懸知雨意未全收只憂場上芽生稻不厭  
田間水拍溝

訪僧不值

我來獨愛南天竺公去誰烹北苑茶賴有清風猶好客掃門  
楊柳影交加

天寧衆寮即事

不看經也不叅禪時去時來又一年祇願闍黎終有信大家  
留取草鞋錢

宿吉先之學古堂

停驂假館雲初晴學古堂中氣象新多謝故人無棄我一爐  
軟火煖如春

書于子高宅

兒童鷄犬語聲喧桑柘縈紆綠蔽川斗覺門庭蘭玉盛更將



蕭鼓樂豐年

書俞秀老詩卷後

荆公賓客晚多奇，休嘆穰侯見事遲。雨過半山初睡足，何如

蠶力負山時。

荆公晚有佳客乃其自云魯直遂因為故事

寫裙帶

輕裙碎摺曉風微，弱柳腰肢穩稱衣。更剪垂虹平窄地，雙鳧似恐見人飛。

采石二首

一  
雲山夾岸去層層，來往扁舟恨未能。更有尋嘗最佳處，無風一日到金陵。

二  
鷄籠山下是和州，隔岸聞呼見點頭。不見東歸夜郎客，錦袍誰共醉扁舟。

浴南寺園頭求詩

一重洗盡一重生，塵垢昏人不自醒。會得栽茄種瓜意，始知松竹本來青。

源上人研

過嶺傳衣不傳鉢，何事眼裏更着世。欲識黃梅半夜心，踏著秤鎚硬似鉄。

訪采石臻山主不遇

入門不見主人公，座具袈裟在眼中。更有山童會人意，畧無

一事許相同

又

十年來石寄漂蓬廣濟雖名寺亦空將為新未有消息依前  
山不結蓬籠

次韻湖陰韋深道五小詩

一

鬢頭瀟颯面嶙峋怪我都非舊日人百里擘舟誰復命却應  
情重故情親

二

書去書來又一年祇應提處是虛鞭相逢會得筆頭語莫惜  
頻尋酒裏天

三

江頭風浪似重關幾與行人限往還不是多情過相與肯將  
一葉犯銀山

四

三山磯雨列山風我亦頻年強自雄不負蛟龍竟何事祇疑  
身世屬江東

五

新來句法宛如陰端與袁公伴陸沉未易偏師壯秦系劉郎  
戈甲舊成林

次韻東坡梅花十絕

一

誰人月下奏雲和一夜繁枝向北多長笛未須論舊恨且留  
幽思待陰何

二

姦雄投老恋層臺隨得分香散處開枝上休論歌舞舊尊中  
且泛綠於苔

三

弄縈攀條日幾回依稀長記雪中開塵埃滿袂家山遠底事  
多情拂眼來

四

軟火明窓酒一尊餘盃未減日尤昏誰人為折東閣續得何  
即日斷魂

五

黯黯危腸獨九回故園誰對此時開撫來聊把倚孤枕更擬  
殷勤入夢來

六

病餘憔悴拊空尊子細思量意却昏便覺陽和振枯槁不須  
方士致幽魂

七

初見今年報信花定從清淺綴橫斜無言對我應惆悵不復  
當時處士家

八

玉作肌膚雪作衣剪裁風月綴寒枝上池可飲偶無路空愧

當年帶下醫

九

漏泄天工意不輕  
傍春依臘獨分明  
孤高不作繁紅伴  
造化須知別有情

十

姑射山前舊卜家  
天香真色倚風斜  
不須蒼菊分高下  
要是東皇第一花

贈呂煥

紅爐歡坐臙燈長  
像借春風發艷粧  
流水落花無限好  
却應双鬢恨劉郎

姑溪居士文集卷第九

姑溪居士文集卷第十

絕句

舟泊糶石

經年欲別竟無繇  
便路今朝得暫留  
美月燃犀俱未暇  
潮平且欲過西州

和州太守曾延之置酒鼓角樓

樓臺烟樹接平蕪  
水墨丹青十幅圖  
認得黃山家住處  
雲中相對似相呼

延之置酒當利接侍人勸酒

雲山遠近淺還深  
宛轉愁顏損不任  
獨有綺羅知此意  
故拈金盞十分斟

延之置酒連雲觀北望丘墟掩醫相與凭欄感嘆延  
之以所持扇見授云不可不記也因書之  
後壠前岡一色松飯含冠劍幾悲風今朝笑語明朝哭莫厭  
尊中酒不空

延之置酒南園因書柱上  
尊前景氣朝朝別醉裏歌呼處處新一度拈來一回好主人  
須信異於人

何子<sup>溫</sup>家有巨竹數頃因成絕句  
老綠陰森鎖畫寒兒孫延裔不知年款歸損失來時路一似  
烏風暗雨天

曾延之置酒後閣俱帳酒饌物皆內出侍人以裙

帶求書

御醅盞畔千頭菊椽燭光中四和香紅粉莫嗟霜滿頰也應  
歌處似周郎

延之問及當塗近事云君殆能容忍吾不及也胡不  
遷居於此便治館因口占為謝

勝下淹時豈不知故人疑我似陽癡一塵固願投陳相只恐  
鋒車便見追

延之云久遲公來不謂追之乃肯願吾既開此路却  
當以匪人為津梁矣致我住客敢忘其德口占為戲  
一水相忘輒自疲青鸞情厚失先期從今不比鷓鴣數更款  
棠陰借異時

雜詠四絕

人間所樂寧過此一事都無有俸錢更向豐年觀割稻須知身是地行仙

二

老呼穉舞報豐年極目黃雲歎際天旋搗新便供晚飯只愁閑夢攬安眠

三

解籜新篁綠未分美晴啼鳥語如文翻風葭菼全疑雨對岸峯巒便是雲

四

平生粥飯寄伽藍老日田園強自添豈自着靴踏泥客如何不許慙深潛

書龔彥本莊壁二絕

一

青黃赤白千畦稻遠近高低四面山舊約買鄰今已決却憂無力伴躋攀

二

重陽過了十二日階下黃花方盛開節物參差何足較且浮新藥共銜杯

同彥本兄弟泛舟過北山

如夢集 卷一 三  
橫截西山一葉輕  
晚奩初發鏡中行  
異時嘗作玻璃觀  
却恐丹青畫不成

彦本鄰莊有欲售其所舍之屋者相與就閱遂書其  
屏上與彦本為約

求田問舍太遲生  
棟宇纔遙眼便明  
憑仗經營須占早  
連墻祇恐負柴荆

龔溪之魯約相從偶不及而溪之逝矣獨適其所約  
之地遺像撮然感愴不已因書其事

德公期我此睽裾  
獨捨扁舟斷夢初  
蕙帳一燈如 語淚痕  
空對兩龍駒

初入褒禪山

近山回抱錦為屏  
金碧高低熠眼明  
四十年來勞夢想  
白頭才喜慰平生

褒禪知客求書因以答之

霜林班較抱園田  
曉日初昇宿霧開  
憶得舊遊懷小杜  
分明回望繡成堆

褒禪齋後獨出三門步深山久之

西脚都忘力不勝  
穿雲度壑信騰騰  
林深鳥獸知無迹  
時見遊山一兩僧

遊華陽洞行十餘步水阻而回

洞在褒禪側有呂公書華陽後門字

篝火貪深興轉濃  
可堪潭水斷來踪  
祇疑終有蛟龍護  
玉室金堂未許逢

自襄禪寺東轉將過大乘路中

不覺離家二十日山林城市恣延緣定因曾作和州客長見  
鷄籠在眼前

欲過大乘先寄祖燈禪師大乘甚貧新開堂

大乘此去有幾里聞道祇園近布金但恐鉢中無客飯止期  
經宿謝知音

將過大乘薄晚不能到既見祖燈以寄一笑

踏盡田塍轉盡山芥塘猶在夕陽間主人縮地元多術何事

今朝時見慳芥塘大  
乘地名

湯泉終到便問浴處何在戲呈長老

欲從曠口過金陵不惜湯泉兩日程因就故人求一浴何妨

隨例得身輕

題苦竹寺後亭

竹映丹楓轉短籬有花開處盡空枝春風想見如鋪錦惆悵  
來遊不是時

再過苦竹飯於寺前客邸

準旗訝呼引紅粧花帽追隨入醉鄉今日再來如斷夢主人  
依舊進黃梁

絕句七首

一

海燕初飛掠水輕  
醱醱開就炤人明  
旋傾煮酒嘗青杏  
唯有風光不世情



萬腔腰鼓打梁州舞罷還催步打毬更借纏頭三百萬阿奴  
要徹第三壽

三

情隨榆笑不勝飄心似楊花暖欲銷擬借瓊林大盈庫約君  
孤注賭妖競

四

謾尋蝴蝶却成癡欲趁蜂兒轉更疑自是心情怕時節不如  
閑處伴黃鸝

五

程氏園當尺五天千金爭賞並未欄莫因今日家、有便與

常時兩樣看

六

的、枝頭淺、黃未先顏色占年芳任是剪成香更裂鼻根  
眼界謾商量

七

齋盂洗罷日方中簾影低回破睡風試問新浮一甌乳何須  
親到廣寒宮

和張文潛贈楊妹

草、聲名等漏卮相違佳處暫舒眉我方擊節聊乘興君可  
忘憂莫見疑

宿觀音寺三絕

倦聽簷間點滴聲  
棲禽初報曉來晴  
分明市合人爭語  
清濁高低各有情

二

鳥啼鵲噪趁初晴  
百舌新調燕羽輕  
滑竹鷄催布谷聲  
鷓鴣喚流鶯

三

留滯江南又一年  
燕巢初就鵲聲喧  
一番風竹搖窗外  
猶記曾來紫玉軒

謝花守惠鵝

玉翎紅觜小池中  
雙入筠籠寄病翁  
不是山陰親換得  
自慙

書學久無工

畫鴨

野塘溶漾夕陽時  
風淡雲閑草半欹  
會得騰身振衣否  
不教春色在花枝

又

道人筆力與春爭  
五彩都將墨染成  
新浴羽毛猶更茸  
似疑顏色未分明

畫鵝兒

教裡生涯教外天  
天真雖判尚茫然  
只應未解長依母  
每向沙頭獨自眠

畫鷺

人間今復見丹青生意初侵造物靈却笑山陰何所得尚須  
辛苦寫黃庭

姑溪居士文集卷第十

姑溪居士文集卷第十一

絕句

書羅氏屏風四絕

一

淨練平鋪月上時無人吟得謝郎詩酒酣直欲捉倒影千古  
風流幾個知

二

鼓聲絕罷香烟起湧出潮香滿座寒為問如何第一義等閑  
拈却面前山

三

一到山頭却下山終朝只在翠微間白雲本是無心物何事

高低伴往還

四

日之春禽百轉新明窓  
幾几淨無塵平生似有叢林分禿鬢  
何為尚滿巾

荊州太守送白玉泉酒

絕句二字行

絕句

第一荊州白玉泉  
蘭舟載與酒中仙  
且須捉住鯨魚尾  
恐怕醉來騎上天

荅

荊州太守紫微仙  
遠寄漁翁白玉泉  
長釣久垂魚未食  
為君一醉卧長川

題隱者壁

聞道全家隱鹿門  
竹籬茅屋寄江村  
龐公事業無多子  
只有平安遺子孫

題漁家壁

賣酒罾魚山數家  
卜鄰還在水之涯  
扁舟定向桃源去  
斜日紅開兩岸花

偶題六絕

一

霜風刮地鴈連天  
野舍衾寒感舊年  
独有多情夜來榨  
床頭油滴慰孤眠

二

洛陽城裏見秋風  
欲作家書意萬重  
復恐忽々說不盡  
行人臨發又開封

三

行人猶未有歸期  
萬里初程日暮時  
唯愛門前雙柳樹  
枝々葉々不相離

四

長溪新雨色如泥  
野水陰寒盡向西  
楚客天南行漸遠  
山々樹裏鷓鴣啼

五

數卷新遊蜀宛詩  
長安僻巷得相隨  
草堂雪夜攜琴處  
况似青城館裏時

六

不覓六月初八日  
還是去年瓜孰時  
鞭藉竟誰能致曲  
定自炤々終可期

七

訪瑄上人值喫葱茶

歎火明窓紙帳低  
一声初報午來鷄  
葱茶未必能留坐  
為愛高人手自提

七夕

銀漢風休月對弦  
靈橋長挂罷星填  
從今祇恐情先老  
無復佳期又隔年

東山

南山不見、東山白鷺時、自往還為問天公幾時雨定因  
薄相故能慳

閑坐

鴉銜遺東趨飢鷹老特時傳喚犢聲凡物有生皆有樂不堪  
孤生戾縱橫

壬辰春試終場王德循置酒登月閣邀丁希韓李端  
叔甚歡夜分方罷

空炷芬敷散瑞烟月移花影上欄杆角声文報梅花弄尺咫  
歸時夜更寒

清明日淨因庄早飯罷逐道洪福有懷巨載元確自  
數別約

老禪期客煮園蔬少憇西鄰日轉初萬白千紅好時 斷菟  
空付西龍駒

又

憶尋春色過何郎西寺傳來墨有香安得薰葭真倚玉丹邊  
花影上迴廊

同榮天和遊石城

樹密山深鎮兩涼西州陳迹旧丹陽相逢莫話當時是且約  
清心感妙香

謁錢公振李與幾

軟火明窓一炷香歲交時節夜來霜須知錢李饒風味却媿  
巴歌汚錦囊

再過李欽之宅憶希武

客憲孤被探深寒一夢從來已六年獨有可人無復見尊前  
談笑尚依然

題李仲山金影軒

金影風光小洞天藍梅有路隔雲烟玉壺叩盡應能語早晚  
光明炤坐邊

題黃蘗泉

住菴老子不復見傳法阿師追不回飲水能知大愚意一拳  
真是打爺來

次韵贈荅洪覺範六言詩并序

覺範以余有收成之行作六字詩五首叙別既解后於崇因

一  
遂出以相示而句中謂余東坡客也頗復推借浮實舊章又  
有玉堂之約因次韻

二  
念盡已知木偶多聞早慰詩流北海幸君知舉東家未我為  
丘

三  
豈為弥天盖世却來作戲逢場可是因人尔耳要非皆我堂  
堂

問舍求田底事來流遇坎方時且向忙中作爾敢從作者論  
詩

四

立玉無因再倚坐荆偶此同班老去誰開東閣朝來空對西山

五

佷佷誰為荆棘崢嶸謾自波濤休說花磚步日且尋烟雨飛舫

五言絕句

題畫扇

白煩饒春思梅稍喜可知聲催爛熳定是雪晴時

挽詞

東坡挽詞

從來憂患許追隨未路丈詞特見知肯向虞兮悲蓋世空慙賜也可言詩炎荒不死疑陰相漢水相招本素期月墮星沉豈人力輝光它日看豐碑

石敏剛若定挽詞

萬年風未屬當時墮地能班世有見夢筆方傳符昔應玉接何事遽先期無由負擊瞻前導空嘆騎鯨去不疑老矣無從忘句味餘音猶幸接吹簾

李希武挽詞

十年枯木不知春每向尊前得可人申叔共瞻雲外翼元賓豈是徹申鱗揚帆巨浸方期遠催輻窮途定有因後學從誰譏頭角祇應遺藁是通津



濮道甫挽詞

暮雨江邊寄一犁多情鄰老共差池平生意氣幾如俠晚日  
詩書更有見社酒方期終歲樂葵蕭俄感送人悲紛々窮達  
都歸盡誰復聲名似舊時

又

個儻曾襟孰可侔生平行樂自優游坐望更漏棊盈局醉徹  
笙歌月滿樓千頃由田園嘗富足幾朝冠蓋舊交遊佳城今日  
悲埋玉亘古傳名信不休

郭功甫妻孫夫人挽詞

率已名無媿成家德可尊蘋蘩招婿婦翰墨見兒孫孰不承  
慈訓俱來哭寢門詩人難再得彤管負詳論

李府君挽詞

賣藥韓康伯著書河上公幻同聊復爾緣散却歸空獨有鄉  
人淚難勝薤露風我來嗟已晚猶及想冥鴻

吊王承議二首

一

崎嶇南北舊相聞晚困羈縲託後塵盜賊餘風如振槁里閭  
和氣似深春雀巢絕探終能散鳥啄雖長自不伸所去見思  
猶可想九泉齋恨彼何人

二

征西墓上木成圍伯氏傳孤出更奇皂蓋朱輪誰不擁青天  
白日晚方知功名不挂非由種賻贈終辭信有見空指丹青

訪陳迹倦懷尤恨得君遲

姑溪居士文集卷第十一

姑溪居士文集卷第十二

贊

自作傳神贊 李伯時畫

似則似是則不是縱使擠之九泉下也須出得一頭地休論  
捉月騎鯨到了衆人皆醉

又

時雌時雄時白時黑不是徐翁異身又非豐千指出蓋優哉  
游哉聊以卒歲浮沉於物而不膠於物者也

又

孰從而圖孰從而狀大千俱空况爾幻妄直須壁立千仞要  
且事無一向雖然觀面相呈便是本來形相

意中迥有千般思筆下元無一點塵自笑頑冥一村老忽從  
今日換精神

折渭州畫像贊

龍章鳳姿燕頤虎頭魏堂下弗嚴而整山納海容霜根雪  
節可畏而親力莫之幹吾私淑諸一代之英多取益給歆掩  
滋明長庚未艾白氣何來精爽如在佳城不開出郊則角墮  
地而班豈無所遺駉驥方閑高牙赤烏惟叔惟虎有之似之  
千載一武起植彼徒見詔他日凌烟寔光前詔

沈存中畫像贊

先天弗違聖時以乘人謀鬼謀其誰與能彼雖淵密我則揆

叙萬日交張維網之舉展也吾人一世絕擬孰友多聞宛在  
中比用此以通亦以是窮自崖反矣凜然孤風

保寧機道者傳神贊

一回拈起一回新覲面相逢那處親口似含珠聲似虎情如  
止水氣如春一心為法無餘事四海如公有幾人祇恐丹青  
傳未盡更須圓相助精神

又

萬點寒鴉一輪秋月時節因緣因誰漏泄眼光如電舌如雷  
遠顧鬚眉滿頭雪若問人間大導師踏着秤鎚硬似鉄

崇因欽老贊

真如會中相見了也崇因堂上因甚出來一滴曹溪初無二

味大治精金豈有他色雖然畫得分明要須重新注出十二  
面相忽然間不是僧繇誰會得

淨慧璘老贊

法雲會中多聞第一瑞竹堂上說法無雙降徑山龍則兩必  
應候祝崇寧壽則香不妄拈將謂有多少神通元來只這般  
面目

西菴璞老真贊

一住姑熟溪頭三攝寶華王座草木無不沾恩緇素幾多證  
果世人盡愛西菴璞誰知屢試紅爐火雖然覲面相呈也要  
從頭觀破咄鈍置殺人

儲居士真贊

敏以自求仁而樂施鄉黨懷其恕朋友畏其義悟幻妄之不  
留惟精進之是利故能告所厚而表其行歛衆美以昌其嗣  
尚慮吾志之未孚遂復有形於夢寐嗚呼斯豈今人之願力  
歟見者寧不知愧

李太白畫像贊

舉目一世空無人當時何有高將軍龍騫鳳翥回莫群晴天  
萬里惟孤雲冥冥何地非埃塵我欲從之嗟此身形容不到  
浪自分坐令魯叟悲獲麟

東坡先生贊

東坡仙人岷峨異稟導日而升弗類斯擯有繼皇、期之莫  
枕誰其止之成是貝錦天作人遠言何從論聞已聳然見孰

天作斯文萬物所仰時慘時舒與天問運其誰特立卓哉吾人黃且落矣蔚然常春見險弗止自信無悶求仁得仁於我何怨光時顯被外薄四夷載瞻載仰百世之師

靈巖愿老真贊

法不孤起隨處有人一花既開無地不春現滿月相轉大法輪似雷雨作解如山川出雲不向人偏衫襟裏喫飯而於孤峰頂上化身

靈源禪師真贊

滔、汨、莫知其出汪、洋、隨圖隨方故八萬四千偈不

離於當處而五千四十八卷皆作戲於逢場山谷老人所以強名之而無媿姑溪居士又從而雪上加霜咄只這便是靈

源雙何須更上炤默堂

報恩邦禪師真贊

荆山美璞霜天一鷄可薦郊廟志存寥廓逢場作戲隨病予藥信與祖佛齊肩直是摸索不着

李伯時馬贊

竹批雙耳風激四蹄振尾頓鬣會於一時惟伯時父神而明之千載相遇非公而誰

畫龜贊

鱗介所宗壽無與京納錫以薦曳尾而行與其託之於死骨

孰若遂性以為生余私淑諸蓋將卒歲以沉冥

須菩提贊

敷坐而坐如日初曉護念付屬一時俱了非此老人其誰能  
表漫自形容本無欠少

慧林正老真贊

高坐清涼道場截斷東南路口一萬菩薩列在下風天下衲  
僧聞者稽首挺超佛越祖之意氣有抽釘拔楔之妙手杓得  
額頭汗出又向王舍城中哮吼

布袋和尚贊

盛着底是病拈出底是藥衆生以相見我却道風狂顛錯秋  
來葉落歸根着去鳥啼花落只這便是生涯說甚重之樓閣

俞秀老畫贊

青山白雲中人對面若不相識笑我吟詠自如終

居士身得度住平常人窠窟誰謂半山多  
口却作豐干指  
出

俞清老畫贊

說着便知姓名見者誰不欢喜誰如自起自倒要乃無以無  
彼冥之三板緣中隨處逢場作戲款問涅槃一路頭、只在  
這裏

寶覺所長老贊

法雲地中得度慧炬光裏發身在處淘金揀玉隨緣運祇通  
津偏解抽釘拔楔更能因語識人且道有相無相休云是真

如漢集  
非真

壽寧宣老贊

石霜山中二虎後世兒孫無教堂、大瀉古佛一身普照寰  
宇別出壽寧一枝又作慈雲法雨他時侍立坐邊往、呵佛  
罵祖

為僧作石菖蒲贊

葉磨數刃劍惟有清風剪不斷根亂一窩絲纏定白雲寒不  
散水無沙石無苔師乎一片心清哉

為人作真贊

王良不作世絕麒麟是可欺邪豈無後人誰其似之雖烈武  
孫武則似笑而濟以文氣已萬里方爾就秣風雲其時會如

兔脫儼然是則現居士身幅巾白拂無一點塵以無塵故始  
終一如顯忠數功固非兩途

又

茅茨為居脫粟為餐牛衣自暖徒行亦鞍凡人皆友是酒可  
歡畧不踐迹未嘗恤言山林城市隨遇即安一旦義重殺身  
非難彼強增飾寧知吾全蓋庶幾不淫不移不屈者而以樂  
吾之天

文忠公畫像贊

霜空無雲秋天澄霧炤然政通何芳鐘簋儼然望之希世一  
遇萬折方東逢坡益注

為僧作真贊

如溪集  
卷一  
六  
虎頭燕頤將軍之相雪檜霜松山僧之容以是而見胡來漢  
現捩轉面目瞻之不足盛哉七百聚徒何殊在網之魚若也  
向此提撕却成土上加泥

吳思道朝服畫像贊

可畏而親不扶而直藝表林望高王國如在廣庭鵠立位  
石翼、眉間嘗滿黃色

又道服贊

濃眉深眼出塵之相幅巾燕服經世之狀有時收沙界於一  
粒粟忽然乘長風破萬里浪固知透過六輪可謂森羅萬象  
本誰鼻端揮斤先生信是神匠

銘

銘予所携歛硯

黃池張氏故物其子見遺

有腴好事儲以資玩謂予可享輒贖而薦我不能當亦誰能  
文愧爾誤投時出於溫煤將童山筆或可冢庶吾之傳有見  
必拱

又

馬肝色荆玉璞爛然一星如出海角未萬

韋深道硯銘

惡圓喜方乃士之嘗隨方而圓以救其偏方圓以時有矩有



規不失吾中則方有時而不通因以濟用則圓有時而為重  
故君子方以守之圓以行之本末相權而自達於規矩之外  
夫是之謂深道之研而姑溪居士所以銘之而不疑

予所用舊硯已斷復接相從三十年偶洗之覺其痕  
相已見為作銘

分荆秀之必鍾漱荆湍之所激膩理瑩質如削瓜而加拭售  
吾之所狂狷共吾之所窮寂間墜而裂旋亦無隔豈同吾朽  
壤之化乎抑奕世之所典則不吾見于發揮終安得而汝識

### 硯銘

理密而質堅體潤而聲圓不知得墨之難易但見隨手疊々  
不雲烟心必負之而乃見言必俟之而後傳非吾人孰克有

之永實用之無窮年

又

比德君子溫潤如玉肉好畧分中實具足窮天下之智巧必  
資人以形容盡萬物之變遷曾不繫其盈縮惟其有以稱之  
庶幾力行而不訕

又

以相而見聖逢之研益之以銘未免曲斷雖則如是事無一  
邊筆頭落處萬象燦然

姑溪居士文集卷第十二終

姑溪居士文集卷第十三

表啓

代人賀德音表

上帝降康已昨無彊之祉大君有命俄覃在宥之仁精誠已格於天人德澤遂均於動植中賀竊以視民如傷則織悉畢煩於一覽舍已從衆則勤勞兼任於人難既思慮之弗忘故節宣之或與皇天后土灼知宵旰之所因玆劑妙工為得晨昏而促効不更累日遽已親朝噓枯吹生大布風霆之令滌瑕蕩垢一新雨露之恩歡忻雖阻於周行抃踊實同於蠢類

恭惟

皇帝陛下平恕御下清明在躬發揮累聖以收功慶越百王

而當治幸今親觀亘古未逢自然協氣之符致滋勿藥之喜  
仰惟魏闕愈知舜日之明嘉與邦人載効華封之祝

代人賀正表

端辰謹始盛典正容表萬里之咸寧肅群工而在御榮敷動  
植慶決華夷中賀恭惟皇帝陛下六藝之宗百世所俟  
潤色大成之業發揮適駿之聲故於會圖籍之朝而乃修禮  
樂之事景風適應方輶戶之回春黼座中嚴燦繁星之拱極  
非特知天子之貴於是識聖人之時就日瞻堯已幸躋仁而  
共域同心戴舜更期保壽於無疆臣偶假麾符阻趨軒陛嘉  
與肖趨之類交深忭舞之誠

代人賀聖節表

惟天降命為民作君式屆令辰挺生元聖瞻重瞳于舜日想  
盛禮於漢庭謳歌蚤協於當時夷夏同傾於此日恭惟皇帝  
陛下仁舒化國道御時龍如大川之方增出廢物而獨運善  
述寧豐之典則久符堯禹之安榮故能廣文王適駿之聲備  
既醉太平之福卜年過曆保壽無疆臣嘗忝從班適叨帥節  
賴一人之慶方均被於群黎上萬年之觴阻進陪於列辟但  
同華祝遙慶蒿呼

代范忠宣公遺表

生也有涯難逃定數死之將至願畢餘忠輒留垂盡之期仰  
瀆蓋高之聽中謝伏念臣賦星極直稟生艱危忠孝雖得之  
家傳利害率同於己欲未始苟作以干譽不敢患得以營私

如漢集 卷十三  
蓋嘗先天下之憂期不負聖人之學此先臣所以教子而微  
臣資以事君學自治平擢為御史繼逢神考進列諫垣荏苒  
五十二年首尾四十六任分符擁節持橐守邊晚叨密宥之  
求再席鈞衡之任遇事輒發曾不顧身因時有為正欲及物  
固知盈滿之當戒弗思禍蒙之陰乘萬里風濤僅脫江魚之  
腹三山瘴癘几從山鬼之遊忽逢睿聖之臨朝首及織芥之  
舊物漫官易地遣使宣恩而臣目已不明無復仰瞻於舜日  
身猶可免或能親奉於堯言豈事理之能諧果神明之見嗇  
未獲九重之入覲卒然四体之不隨空慚田畝之還上負乾  
坤之造猶且強親藥石貪戀歲時儻粗釋於沉迷或稍舒於  
報效今則膏肓已逼氣息僅存泉路非遙聖時永隔恐叩闕

之靡及雖結草以何為是以假漏偷生剗心歷懇庶皇慈之  
俯鑒亮愚意之無他臣若不言死有餘恨伏望 皇帝陛下  
清心寡欲約已便民達孝道於情微擴仁心於廣遠深絕朋  
黨之論詳察邪正之歸搜抉幽隱以盡人材屏斥奇巧以厚  
風俗愛惜生靈而無輕議邊事包容狂直而無易逐言官若  
宣仁之誣謗未明致保佑之憂勤不顯本權臣務快其私忿  
非恭陵實謂之當然以至未寬流人之往愆悉以赦恩而特  
叙尚使存沒猶污瑕疵又漫未解疆場之嚴遂空帑藏之積  
有城必守得地難畊凡此數端願留聖念無令後患常軫淵  
衷臣所惜者陛下上聖之資臣所愛者宗社無疆之業苟斯  
言之可採則雖死而猶生淚盡辭窮形留神往

賀致政太傅

伏審寵辭宰鉉榮陟公槐從優佚於燕申稱褒榮之典策式揚大號允服輿情竊以經為帝師而輔太平之基行應世表而全庶尚之節載籍所紀振古罕儔都門祖二疏之行功名孰見昌黎賢佐丞之去體貌未隆又曷若伊尹致堯舜之君告歸於亳周公成文武之事請老於豐茲大臣出處之遠猷實達人止足之高致恭惟致政太傅相公受天間氣為國元臣德茂典型智周體用蚤由舊學夾聖日於虞淵進秉鴻鈞調化元於商鼎泰山北斗雅望素高崑玉秋霜清標可仰濟功名遂方激頑庶懦立之心神明相其壽考華夷想其

風采大雅卓爾榮觀超然某假守江濱竊依釣芘徒劇向風之慕阻修擁篲之誠屬炎景之屆辰蘄天倪之多祉

賀樞相轉官

恭審字號揚連策勲錫命巖瞻胥悅燕賀均驩竊以國家發政施仁均布蓂蕭之澤修文偃武一陶行葦之風豈險固之是菑偶闕防之弗戒叢爾蟻聚肆彼狼貪上軫淵衷僉言謀帥靈旗直指過者化而存者神廟笑出奇戰必勝而攻必取爰整鷹揚之旅坐觀鼠技之窮雪見晁而日消竹迎刃而自解迅驅雷電誰當赫々之王師生致渠魁豈漏恢々之天網帶礪益壯袞繡有輝恭惟樞密相公蘊命世之閱材韜經邦之遠畧敦詩書德義之本密告嘉猷兼將相威儀之多式昭

異數挺忠誠以許國運精神而折衝勲德俱高邦家永賴用  
錫爾祉召公揚江漢之休惟斷乃成裴相建淮蔡之績某備  
員遠部竊仰焚躔欣聞七德之定功共慶萬邦之為憲

賀樞密太宰

伏審寵膺帝制正領樞運渙號式頒師言允協恭惟  
密太宰相公學通精祲才瞻經綸衮衣繡裳久繫嚴瞻之重  
高牙大纛夙嚴閫寄之威遂膺夢卜之求入總謀猷之要文  
武是憲允為百辟之師將相多儀實作萬邦之屏折衝帷幄  
論道廟堂俾庶物各遂其無匹夫不獲其所某希風有素依  
屢寶深維叱馭以驅馳尚據鞍而矍鑠遊聞除命倍切驩悰  
賀運使大卿轉官賜金紫

伏審光膺宸命峻陟華資煥然章綬之便蕃穆若絲論之褒  
拂凡蒙芘賴實倍欣愉恭惟 運使大卿嶽降時才天生良  
佐騫翔棘寺綽著聲猶總領漕臺獨高籌畫不絕糧道如見  
錢流游被渙恩榮加晉錫德可久而業可大自結主知衣之  
美而佩之光允符輿議佇聞鋒召亟踐禁嚴某代匱下僚久  
依屬部末展望塵之拜已馳賀履之誠

謝發解舉人

貽瑰瑋光賁衡茆載佩謙冲深滋感戴 以先輩道惟務  
本學必逢原廣坐劇談固已析經生之角運斤善斲蓋嘗汗  
巧斲之頑揆萬選萬中之文勵一飛一鳴之志登龍好語方  
傾耳而听之畫繡言歸更拭目於觀者

任河中府萬全縣令謝太守舉

雪見峴而自消魚隨陽而必躍蓋公明而仁恕俾惡沮而善揚輒傾悃誠上黷嚴聽伏念某學慙製錦政謝割鷄第知王事之勤勞寧恤衆情之翕訛卓茂廢置嘗貽笑於密人子產章程亦見譏於鄭國矧茲綿薄驟領劇煩才既無長性多忤物孰能飯蔬而無怨固多射影以司噉利舌如刀斐辭若錦原其所自請試叙陳大姓強宗挾門資以凌貧弱假衣詭辨託儒名而蔑善良外則游談過客之邀需下則浮惰未業之縱博一切杜絕俾迪規繩非曰能之蓋其職也然寒鄉與弱植易搖投抒可虞市虎足畏儻非特達之眷孰推芘覆之仁伏惟知府待制盛德兼容華博昭菲葑不遺於下體苓苦必察於人言薦稱之章已蒙提掖與點之志不替初終某敢不銘嘉惠於肌膚書格言於紳帶勉聽驅策用答生成

謝郭樞密

一麾出守慚應變之非長千室鳴絃藹餘風之未遠有規於前者必隨於後圖政於舊者當告新仰黷高明輒伸悃素恭惟樞密太中學探性妙識造覺先仁也柔而義也剛直其內而方其外至誠格物踵尚父之風猷遺澤在民樂細候之惠化首燕臺之衆俊揭漢鑿之高標左掖南臺踐揚滋久北門東馬敷納居多粵自出殿大邦逢時多故惟蕃垣屏翰之重寄資爪牙心膂之元臣扞禦寔勤寇攘遠屏眷滋潛卸之舊簡于側席之求俄召節之促臨慶緒裳之入覲其趺踈無取

矜式有依丁茲報政之初採於遺老之誦沃礫在後徒勞拊  
字之循々着鞭已先景仰聲光之赫々馳詠良劇罔既敷宣

回賀新及第

被恩北闕擢第南宮凡與交游舉增慶慰伏惟新恩宣德才  
當數面筆掃千軍早歲飛聲頭角已竦於同隊青春射策文  
章果中於甲科愧賀牘之未遑辱高文之先及銘懷感篆幅

楮奚陳

姑溪居士文集卷第十三



